



**TUARASCÁIL BHLIANTÚIL**  
**2023**



# Clár Ábhair

|   |           |
|---|-----------|
| <b>Ráiteas an Chathaoirligh</b>                                 | <b>6</b>  |
| <b>Achoimre Fheidhmeach</b>                                     | <b>9</b>  |
| <b>Comhaltas CNFI</b>   | <b>12</b> |
| <b>Beathaisnéis na gComhaltai</b>                               | <b>13</b> |
| <b>Grúpaí Oibre CNFI</b>  | <b>16</b> |
| <b>Próiseas Grinnscrúdaithe CNFI</b>                            | <b>27</b> |
| <b>Buaicphointí Thuarascálacha &amp; Imeachtaí CNFI in 2023</b> | <b>30</b> |
| <b>Rannpháirtíocht CNFI</b>                                     | <b>44</b> |
| <b>Acmhainní agus Caiteachas</b>                                | <b>46</b> |
| <b>Aguisíní</b>   |           |
| <i>Téarmaí Tagartha CNFI</i>                                    | <b>47</b> |

# Conas a Oibríonn Muid



Bord CNFI



Grúpa Oibre um  
Rialachas,  
Éifeachtúlacht agus  
Athchóiriú an  
Rialtais Áitiúil



Táscaire  
feidhmíochta  
na meithle



Rúnaíocht



Acmhainní  
agus Caiteachas



An Grúpa Oibre um  
Chumarsáid agus  
Seirbhíse  
do Chustaiméirí



Rannpháirtíocht  
le Páirtithe  
Leasmhara



An Grúpa Oibre um  
Bhainistíocht  
Airgeadais  
agus Feidhmíocht



Grinnscrúdaithe



Próiseas  
Tuarascálacha

# Giorrúcháin

|                 |  |
|-----------------|--|
| <b>ARÁÉ</b>     | Aontas Rialtas Áitiúil na hÉireann   |
| <b>BTC</b>      | An Bord um Thionóntachtaí Cónaithe   |
| <b>CBCC</b>     | Cumann na mBainisteoirí Contae agus Cathrach   |
| <b>CCÚÁ</b>     | Cumann Chomhaltaí na nÚdarás Áitiúil   |
| <b>CCP</b>      | Cód Caiteachais Phoiblí  |
| <b>CL</b>       | Coibhéis Lánaimseartha   |
| <b>CNFI</b>     | An Coimisiún Náisiúnta um Fhorghaorsú & Iniúcháireacht                                 |
| <b>CPÉ</b>      | Comhlachtaí Poiblí na hÉireann   |
| <b>DC</b>       | Dearbhú Cáilíochta   |
| <b>DTL</b>      | Dearbháin a Thrádáil ar Líne   |
| <b>FR</b>       | An Foras Riaracháin  |
| <b>GBRÁ</b>     | Gníomhaireacht Bainistíochta Rialtais Áitiúil  |
| <b>GCC</b>      | An Ghníomhaireacht um Chaomhnú Comhshaoil  |
| <b>IÉCP</b>     | Institiúid na hÉireann um Chaidreamh Poiblí  |
| <b>LCAF</b>     | An Lárionad um Chomhroinnt agus Anailís Faisnéise                                      |
| <b>OFÁ</b>      | Oifigí Fiontraíochta Áitiúla   |
| <b>ORP</b>      | Oifig an Rialálaí Pleanála   |
| <b>ORGA</b>     | Oifigí Réigiúnacha um Ghníomhú ar son na hAeráide                                      |
| <b>RCPSAPFN</b> | An Roinn Caiteachais Phoiblí, Seachadadh agus Athchóiriú an Phlean Forbartha Náisiúnta |
| <b>RCAC</b>     | An Roinn Comhshaoil, Aeráide agus Cumarsáide   |
| <b>RI</b>       | An Roinn Iompair   |
| <b>RTRÁO</b>    | An Roinn Tithíochta, Rialtais Áitiúil agus Oidhreacht                                  |
| <b>SIRÁ</b>     | Seirbhís Iniúchta Rialtais Áitiúil   |
| <b>SRSE</b>     | Straitéis Réigiúnach Spásúil agus Eacnamaíoch  |
| <b>ÚÁ</b>       | Údarás Áitiúil   |
| <b>UFIE</b>     | Údarás Fuinnimh Inmharthana na hÉireann  |



## Ráiteas an Chathaoirligh

Thar ceann an Bhoird, is cúis áthais dom Tuarascáil Bhliantúil an Choimisiúin Náisiúnta um Fhormhaoirsiú & Iniúchóireacht don bhliain féilire dar críoch an 31 Nollaig 2023 a thíolacadh.

Tá mé fíorshásta gur féidir liom Tuarascáil Bhliantúil CNFI 2023 a thíolacadh, an deichiú tuarascáil dá leithéid ó bunaíodh an Coimisiún in 2014.

Bhí bliain an-ghnóthach eile ag CNFI agus rinne comhlacht maoirseachta idirnáisiúnta na hÉireann obair an-luachmhar agus den chéad scoth d'earnáil an rialtais áitiúil.

Tá obair curtha i gcrích i réimsí éagsúla lena mbaineann ardluach don earnáil, cosúil le Comhaontuithe Leibhéal Seirbhíse, feidhmíocht údarás áitiúil a rianú tríd an Tuarascáil Táscaire Feidhmíochta agus tríd an bPróiseas Grinnscrúdaithe, athbhreithniú ar obair a bhaineann le Pleananna Corparáideacha, suirbhé a dhéanamh ar iniúchóireacht inmheánach agus labhairt le páirtithe leasmhara trí cheardlanna, imeachtaí agus tuarascálacha CNFI.

Lena chois sin, tá sé beartaithe ag CNFI leanúint ar aghaidh ag obair trí dhírú ar fhís agus ar uaillmhian agus tá sé seo soiléir ina Straitéis agus Clár Oibre 2023-2025 nua, ar glacadh leis i mí Bealtaine 2023 agus atá foilsithe ar shuíomh gréasáin CNFI. Príomhghné den obair seo é cur leis an dul chun cinn atá déanta go dtí seo agus a chinntiú go nglactar le CNFI mar chomhlacht neamhspleách láidir fad is leantar ar aghaidh ag cur le feasacht agus le comhoibriú le hoifigigh, le comhaltaí tofa agus leis an bpobal, agus maoirseacht éifeachtach a dhéanamh ar earnáil an rialtais áitiúil in Éirinn.

Tá dúshlán fós le sárú ag earnáil an rialtais áitiúil, cosúil le héilimh ar thithíocht, atá ag dul i méid i gcónaí, mar aon le costais atá ag méadú. Go háirithe, bhí dúshlán shuntasacha earcaíochta le sarú ag an rialtas áitiúil, agus éilimh mhéadaithe ar an earnáil, dúshlán ar léir do CNFI atá ag cur isteach ar go leor, nó ar gach údarás áitiúil b'fhéidir.

Ainneoin nach é seo an t-aon réiteach ar a leithéid de dhúshlán, is féidir níos mó úsáide a bhaint as teicneolaíocht agus seirbhísí ar líne nuair a bhíonn údaráis áitiúla ag déileáil lena leithéid de dhúshlán. Tá a leithéid luachmhar freisin chun éifeachtúlachtaí a mhéadú, agus spreagann CNFI úsáid a bhaint as modhanna nuálacha chun táirgiúlacht a fheabhsú agus seirbhísí a chur ar fáil don phobal.

Tá tairbhe bainte ag CNFI as teicneolaíocht sa tslí a ndéanaimid ar ngnó, go háirithe i ndáil le Próiseas Grinnscrúdaithe CNFI.

Mar shampla, in 2023, reáchtáil CNFI seacht gcruinniú Chéim 1 le húdaráis áitiúla sna Comhairlí Contae seo a leanas - Maigh Eo, Cill Dara, Cill Mhantáin, Cill Chainnigh, an Longfort, Dún Laoghaire-Ráth an Dúin agus Corcaigh. Maidir leis na cruinnithe seo, reáchtáladh ceithre chruinniú ar líne agus tugadh deis do dhaoine a bheith i láthair san ionad cruinnithe do thrí chruinniú.

Lena chois sin, reáchtáladh sé chruinniú Chéim 2 leis na Comhairlí Contae agus Cathrach seo a leanas - an Cabhán, Gaillimh, an Longfort, Dún Laoghaire/Ráth an Dúin, Maigh Eo agus Baile Átha Cliath. As measc na gcruinnithe seo, reáchtáladh cruinniú amháin ar líne agus tugadh deis do dhaoine a bheith i láthair san ionad cruinnithe do chúig chruinniú.

Tá cruinnithe grinnscrúdaithe riachtanach i gcomhthéacs fheidhmíocht fheidhmeanna CNFI Inna agus deis iontach iad d'údaráis áitiúla chun athbhreithniú a dhéanamh ar réimsí, a bhfuil ag éirí go maith leo, agus réimsí atá níos dúshlánaí, agus comparáid a dhéanamh le piar-údaráis áitiúla eile. Chomh maith leis sin, tá iarracht shuntasach déanta ag CNFI labhairt le han-chuid dár bpáirtithe leasmhara. Deis rannpháirtíochta shuntasach amháin ba ea ceardlann le Cathaoirligh an 31 Coiste Inniúchóireachta údaráis áitiúil, agus le hoifigigh ó rannóga iniúchóireachta inmheánaí údaráis áitiúil agus ón tSeirbhís Inniúchóireachta Rialtais Áitiúil a óstáil i mí Dheireadh Fómhair 2023. Ba é seo an dara huair a raibh a leithéid d'imeacht á óstáil ag CNFI, imeacht a bhí dírithe ar roinnt réimsí, lena n-áirítear saincheisteanna iniúchóireachta inmheánaí agus cuireadh torthaí sealadacha CNFI ar a Shuirbhé Inniúchóireachta Inmheánaí údaráis áitiúil i láthair. Chomh maith leis sin, roinneadh an t-eolas is déanaí faoi ghnéithe éagsúla d'obair CNFI cosúil lena Thuarascáil Táscaire Feidhmíochta, Tuarascáil ar an gCód Caiteachais Phoiblí, Seimineár CNFI ar Dhea-Ghnás i Rialtas Áitiúil agus obair CNFI i ndáil le hAthbhreithniú ar Chur Chun Feidhme Pleananna Corparáideacha agus Comhaontuithe Leibhéal Seirbhíse.

Labhair CNFI le páirtithe leasmhara éagsúla trína Sheimineár Bliantúil ar Dhea-Ghnás i Rialtas Áitiúil a reáchtáladh ar an 26 Deireadh Fómhair 2023 i gCaisleán Chill Chainnigh. Ba é an tAire Tithíochta, Rialtais Áitiúil agus Oidhreachta, Darragh O'Brien T.D. a d'oscail an t-imeacht a reáchtáladh mar chuid de Sheachtain Bhunathraithe na Seirbhíse Poiblí na Roinne Caiteachais Phoiblí, Sheachadadh PFN agus Athchóirithe.

Is príomhimeacht é an Seimineár seo do CNFI agus don earnáil rialtais áitiúil araon agus deis bualadh lena chéile, cur i láthair a dhéanamh agus réimsí agus tionscadail dea-ghnáis a phlé, a d'fhéadfadh saol daoine ina bpobail agus ar fud na tíre a fheabhsú. I mbliana forbraíodh roinnt nuálaíochtaí údaráis áitiúil i réimsí casta agus spésiúla cosúil le húsáid a bhaint as teicneolaíochtaí glasa, teagmháil a dhéanamh le pobail, geilleagair áitiúla agus oideachas a fhorbairt, agus léargas a thabhairt ar dhea-ghnás i ndáil le straitéisí a fhorbairt.

Lena chois sin, chuir CNFI roinnt tuarascálacha éagsúla i dtoll a chéile i rith na bliana. Is díol suntais iad na tuarascálacha grinnscrúdaithe, ina bhfuil neart eolais le fáil faoi na húdaráis áitiúla aonair agus ina léirítear conas a úsáidtear na tuarascálacha CNFI eile, lena n-áirítear conas a úsáidtear sonraí na Tuarascála Táscaire Feidhmíochta. Tá liosta de na tuarascálacha eile ar fad a cuireadh i dtoll a chéile le fáil thíos.

D'oibrigh CNFI le go leor páirtithe leasmhara lena n-áirítear ORP, ARÁÉ, GBRÁ, ionadaithe éagsúla na gCoistí Inniúchóireachta in earnáil an rialtais áitiúil, Tionóil Réigiúnacha, oifigigh shinsearach sa Roinn Comhshaoil, Aeráide agus Cumarsáide agus sa Roinn Iompair, agus tháinig sé os comhair an Chomhchoiste Oireachtais Tithíochta, Rialtais Áitiúil agus Oidhreachta.

Chuir duine dár gcomhaltai boird, Niall Quinn, críoch lena théarma oifige i rith na bliana agus is mian liom an deis a thapú chun buíochas a ghabháil leis as a chuid ama a chur ar fáil, as a dhíograis agus as an méid a rinne sé thar ceann CNFI agus guím gach rath air.

Chomh maith leis sin, is mian liom fáilte a chur roimh na comhaltaí boird nua, Kathleen Holohan agus Miriam McDonald, a ceapadh i rith 2023. Tá neart saineolais agus taithí ag an mbeirt acu, agus is cúis áthais dom go mbeidh a saineolas ar fáil do bhord CNFI.

Mar is iondúil, is mian liom buíochas a ghabháil le Rúnaíocht CNFI as a tiomantas, obair chrua agus as tacú go leanúnach leis na comhaltaí boird. Is fianaise é iarracht na Rúnaíochta ar na tuarascálacha ar ardchaighdeán a chuirimid i dtoll a chéile agus ar an ról atá aici i dtacú leis an tionchar luachmhar atá ag CNFI go leanúnach.

Chomh maith leis sin, is mian liom buíochas ó chroí a ghabháil leis na Príomhfheidhmeannaigh agus leis na comhordaitheoirí sonraí ó gach údarás áitiúil.

Lena chois sin, is mian liom buíochas a ghabháil le Darragh O'Brien T.D., an tAire Tithíochta, Rialtais Áitiúil agus Oidhreachta as a chuid tacaíochta, ama, iarrachta agus as freastal ar imeachtaí éagsúla CNFI.

Mar fhocal scoir, ba mhaith liom buíochas a ghabháil leis an gCumann Bainistíochta Contae agus Cathrach, leis an nGníomhaireacht Bainistíochta Rialtais Áitiúil, leis an Roinn Tithíochta, Rialtais Áitiúil agus Oidhreachta agus leis na comhlachtaí, gníomhaireachtaí agus ranna eile a bhí i dteagmháil le CNFI chun tacú lena chlár oibre le linn 2023. Tá mé ag súil go mór le cur leis an méid atá bainte amach againn go dtí seo agus as díriú ar chlár oibre an-uaimhianach do 2024.



**Michael McCarthy**  
Cathaoirleach

5 Aibreán 2023



# Achoimre Fheidhmeach

## D'fhaomh comhaltaí CNFI an tuarascáil seo ar an 26 Márta 2024.

Is é cuspóir CNFI feidhmiú mar an comhlacht reachtúil neamhspleách a sholáthraíonn maoirseacht ar an earnáil rialtais áitiúil in Éirinn.

Clúdaíonn a fheidhmeanna gníomhaíochtaí uile údaráis áitiúil, lena n-áirítear grinnscrúdú a dhéanamh ar fheidhmíocht go ginearálta, agus feidhmíocht airgeadais go sonrach. Chomh maith leis sin, tá ról ag CNFI i dtacú le dea-ghnás, maoirseacht a dhéanamh ar chur chun feidhme beartas rialtais áitiúil náisiúnta agus monatóireacht agus meastóireacht a dhéanamh ar chur chun feidhme pleananna corparáideacha, cloí le comhaontuithe leibhéal seirbhíse agus athchóiriú seirbhíse poiblí a bheith á chur chun feidhme ag comhlachtaí rialtais áitiúil.

Cuirtear obair CNFI i láthair pháirtithe leasmhara san earnáil rialtais áitiúil mar aon le Comhchoiste ábhartha Thithe an Oireachtais.

Is í seo an deichiú Tuarascáil Bhliantúil atá curtha i dtoll a chéile ag CNFI agus dírithe inti ar an mbliain 2023. I rith 2023, d'fhoilsigh CNFI tuarascálacha agus d'óstáil sé imeachtaí agus cruinnithe a bhí dírithe ar thopaicí éagsúla lena n-áirítear:

- ▶ Treoirínite agus Ceardlann maidir le Tuarascáil Táscaire Feidhmíochta na nÚdarás Áitiúil 2022
- ▶ Tuarascáil ar an gCód Caiteachais Phoiblí 2022
- ▶ Tuarascáil ar an Táscaire Feidhmíochta 2022
- ▶ Seimineár ar Dhea-Ghnás i Rialtas Áitiúil 2023
- ▶ Ceardlann do Chathaoirligh an 31 Coiste Iníochóireachta údaráis áitiúil,
- ▶ Cúig Thuarascáil Ghrinnscrúdaithe, seacht gcruinniú Grinnscrúdaithe Chéim 1 agus sé Chruinniú Grinnscrúdaithe Chéim 2

- ▶ Straitéis agus Clár Oibre CNFI 2023-2025
- ▶ Cruinnithe le hOifig an Rialálaí Pleanála, an Ghníomhaireacht Bainistíochta Rialtais Áitiúil, an Roinn Comhshaoil, Aeráide agus Cumarsáide, agus an Roinn Iompair.
- ▶ Freastal ar Chomhdháil Eorpach faoin Oiriúnú don Athrú Aeráide agus Comhdháil Tithíochta Sóisialta CÉTS 2023.

Is é an Cathaoirleach atá freagrach as an bPróiseas Grinnscrúdaithe agus is iad na ceithre ghrúpa oibre a dhéanann formhór eile d'obair CNFI. Is iad seo ná:

|             |  |
|-------------|--|
| <b>WG1:</b> | <b>Rialachas, Éifeachtúlacht agus Athchóiriú</b> |
| <b>WG2:</b> | <b>Táscairí Feidhmíochta</b>                     |
| <b>WG3:</b> | <b>Cumarsáid agus Suirbhé Custaiméirí</b>        |
| <b>WG4:</b> | <b>Bainistíocht Airgeadais agus Feidhmíocht</b>  |

Díol suntais in 2023, ba ea gur fhreastail Cathaoirleach CNFI, Michael McCarthy, i dteannta le Margaret Lane, Cathaoirleach na meithle Bainistíochta Oibre agus Feidhmíochta, Fiona Quinn, Oifigeach an Aire agus Rúnaí Cúnta sa Roinn Tithíochta, Rialtais Áitiúil agus Oidhreacht agus Claire Gavin, Ceannasaí Rúnaíocht CNFI, ar an gComhchoiste Oireachtais Tithíochta, Rialtais Áitiúil agus Oidhreacht.



Ó chlé go deas: Claire Gavin (Ceannasaí Rúnaíocht CNFI), Noel Harrington (comhalta CNFI), Emer O’Gorman (Príomhfheidhmeannach, Comhairle Contae Chill Mhantáin), Declan Breathnach (comhalta CNFI), Frank Curran (Cathaoirleach CBCC ansin agus Príomhfheidhmeannach, Comhairle Contae Dhún Laoghaire-Ráth an Dúin), Michael McCarthy (Cathaoirleach CNFI), Lar Power (Príomhfheidhmeannach, Comhairle Contae Chill Chainnigh), Miriam McDonald (comhalta CNFI), Eddie O’Loughlin (GBRÁ), Ciarán Hayes (comhalta CNFI)

Ba é an cuireadh a tugadh ná plé a dhéanamh ar Thuarascáil Táscaire Feidhmíochta Údarás Áitiúil CNFI 2021 agus Tuarascáil maidir le Cód Caiteachais Phoiblí 2021. Rinneadh plé mionsonraithe ar an dá thuarascáil, lena n-áirítear an próiseas a bhí i gceist, mar aon le rannpháirtíocht CNFI le comhaltaí tofa, coistí iniúcháireachta rialtais áitiúil, ardchaighdeán thuarascálacha CNFI, pleanáil chorparáideach, dea-ghnás agus roinnt saincheistanna a bhaineann le tithíocht, lena n-áirítear cothabháil agus stoc tithíochta, easpa dídine agus folúntais. Is féidir sonraí iomlána an chruinnithe a fháil ag [www.oireachtas.ie](http://www.oireachtas.ie).

Anuas air sin, bhuail Cathaoirleach CNFI le rapóirtéirí ó Chomhairle na hEorpa i mí Aibreáin 2023 chun plé a dhéanamh ar ról CNFI i ndáil le rialtas áitiúil agus féinrialtas réigiúnach in Éirinn agus réimsí a bhaineann le hairgeadas, feidhmíocht, nósanna imeachta agus conclúidí CNFI maidir leis an earnáil rialtais áitiúil. Glacadh leis go raibh an rannpháirtíocht seo dearfach agus gur chabhraigh sí le Comhairle na hEorpa a tuarascáil maidir le Monatóireacht a dhéanamh ar chur i bhfeidhm na Cairte Eorpaí um Fhéinrialú Áitiúil in Éirinn, a foilsíodh i mí Dheireadh Fómhair 2023.

I mí Mheán Fómhair 2023, d’fhoilsigh CNFI an Cód Caiteachais Phoiblí don earnáil rialtais áitiúil. San áireamh anseo bhí tiomsú agus ullmhú Thuarascáil Dearbhaithe Cáilíochta an Rialtais Áitiúil faoin gCód Caiteachais Phoiblí. Ba é RCPSPFNA a d’fhorbair an Cód Caiteachais Phoiblí agus san áireamh ann tá tacar rialacha agus nósanna imeachta a chinntíonn go bhfuiltear ag cloí le caighdeáin ar fud sheirbhís poiblí na hÉireann. Lena chois sin, labhair CNFI le roinnt páirtithe leasmhara faoi thorthaí na Tuarascála agus é mar aidhm aige feasacht a mhúscailt tuilleadh.

D’óstáil CNFI a shéú Seimineár ar Dhea-Ghnás i Rialtas Áitiúil i gcomhpháirt le GBRÁ agus CBCC, ar an 26 Deireadh Fómhair 2023 i gCaisleán Chill Chainnigh. Reáchtáladh an t-imeacht, ar líne agus i láthair fhisiciúil, mar chuid de Sheachtain Bunathraithe na Seirbhíse Poiblí RCPSPFNA agus ba é an tAire Tithíochta, Rialtais Áitiúil agus Oidhreachta, Darragh O’Brien, T.D., a d’oscail an t-imeacht.

I mí Mheán Fómhair 2023, d'fhoilsigh CNFI a Thuarascáil Táscaire Feidhmíochta Údaráis Áitiúil 2022, an naoú tuarascáil Táscaire Feidhmíochta atá foilsithe ag CNFI go dtí seo. Fad is a bhí an tuarascáil seo á tiomsú, reáchtáladh cruinnithe bailíochtaithe le sé húdarás áitiúla chun críche dhearbhu cáilíochta na sonraí agus chun cruinneas agus iontaofacht sampla de na táscairí a chinntiú.

Foilsíodh Straitéis CNFI 2023-2025 agus Clár Oibre CNFI 2023-2025 i mí Dheireadh Fómhair 2023. Leagtar amach sna doiciméid seo fis agus gníomhartha uailmhianacha bhord CNFI le haghaidh na mblianta amach romhainn.

Leagfar béim go háirithe ar fheasacht agus infheictheacht CNFI i measc oifigeach, comhaltaí tofa agus an phobail a fheabhsú, cur leis an obair atá déanta go dtí seo agus a chinntiú go nglactar le CNFI mar chomhlacht láidir, neamhspleách a sholáthraíonn maoirseacht éifeachtach ar an earnáil rialtais áitiúil in Éirinn, agus a chomhoibríonn agus a idirghníomhaíonn le hoifigigh, comhaltaí tofa agus leis an bpobal i gcoitinne.

I mí Dheireadh Fómhair 2023, d'óstáil CNFI an dara ceardlann le Cathaoirligh na gcoistí iniúcháireachta as ar fud na húdaráis áitiúla, ionadaithe ó rannóga iniúcháireachta inmheánaí údaráis áitiúil agus an tSeirbhís Iniúcháireachta Rialtais Áitiúil. San áireamh san imeacht seo bhí cur i láthair faoin obair atá á déanamh ag CNFI, nuashonruithe maidir lena thuarascálacha agus Seimineár ar Dhea-Ghnás i Rialtas Áitiúil, mar aon le torthaí sealadacha ó Shuirbhé Iniúcháireachta Inmheánaí údaráis áitiúil CNFI.

Lena chois sin, thug Comhairle Contae an Longfoirt forléargas ar eispéireas iniúcháireachta inmheánaí agus líonraí iniúcháireachta inmheánaí. Ar leithligh, d'fhreastail CNFI air agus rinne sé cuir i láthair ag roinnt Coistí Iniúcháireachta a raibh Comhairle Contae Chorcaí, an Roinn Tithíochta, Rialtais Áitiúil agus Oidhreacht, agus Comhairle Contae Lú páirteach iontu.

# Comhaltas CNFI

**Tá comhaltas CNFI forordaithe go reachtúil mar íosmhéid de sheisear comhaltaí agus uasmhéid de naonúr comhaltaí.**

Ag deireadh 2023, bhí naonúr comhaltaí páirteach i mBord CNFI. Ceapadh comhalta boird nua, Kathleen Holohan, ar an 26 Aibreán 2023 i ndiaidh chomórtas PAC a reáchtáil. Lena chois sin, ceapadh Miriam McDonald mar chomhalta de bhord CNFI ar an 4 Mheán Fómhair 2023, in áit an chomhalta boird, Niall Quinn, ar tháinig deireadh lena théarma ar an 3 Mheán Fómhair 2023.

Amhail ag an 31 Nollaig 2023, bhí ceathrar comhaltaí baineanna (44.44%) agus cúigear comhaltaí fireanna (55.55%) páirteach sa bhord, agus bhí dhá fholúntas shealadacha boird ann de réir Ionstraim Reachtúil ritheadh le déanaí, mar a cheadaítear faoin Acht um Athchóiriú Rialtais Áitiúil, 2014.

Dá réir sin, comhlíonann an Bord an sprioc Rialtais a bhaineann le hionadaíocht 40% a bheith ag gach inscne i gcomhaltas Bord Stáit.

Chomh fada is a bhaineann le breithniú a dhéanamh ar chothromaíocht inscne agus éagsúlacht CNFI, is dlúthchuid den phróiseas a bhaineann le comhaltaí boird a cheapadh é ionadaíocht inscne.

**Is iad seo a leanas na comhaltaí agus sonraí a dtéarmaí:**

| Comhaltaí agus sonraí a dtéarmaí |                   |            |                           |                               |                             |
|----------------------------------|-------------------|------------|---------------------------|-------------------------------|-----------------------------|
| Ról                              | Comhalta          | Ceaptha    | Deireadh an Téarma Reatha | Tinreamh ar chruinnithe boird | Táillí na gComhalt aí Boird |
| Cathaoirleach                    | Michael McCarthy  | 24/09/2018 | 23/09/2028*               | 7/9                           | €11,970                     |
| Comhaltaí                        | Fiona Quinn       | 17/05/2022 | 16/05/2027                | 8/9                           | N/B**                       |
|                                  | Brian Cawley      | 04/09/2020 | 03/09/2026*               | 8/9                           | €7,695                      |
|                                  | Niall Quinn       | 04/09/2020 | 03/09/2023                | 5/6                           | €5,218                      |
|                                  | Margaret Lane     | 04/09/2020 | 03/09/2026*               | 4/9                           | €7,695                      |
|                                  | Declan Breathnach | 28/04/2021 | 27/04/2024                | 8/9                           | €7,695                      |
|                                  | Noel Harrington   | 28/04/2021 | 27/04/2024                | 8/9                           | €7,695                      |
|                                  | Ciarán Hayes      | 01/07/2021 | 30/06/2024                | 5/9                           | €7,695                      |
|                                  | Kathleen Holohan  | 27/04/2023 | 26/04/2026                | 5/6                           | €5,218                      |
|                                  | Miriam Mc Donald  | 04/09/2023 | 03/09/2026                | 2/3                           | €2,493                      |

\*Iéiríonn gur ceapadh an comhalta seo don dara téarma.

\*\*Ní fhaigheann Oifigeach an Aire aon táille

## Ráiteas Comhlíontachta

Ghlac an Bord leis an gCód Cleachtas um Rialachas Comhlachtaí Stáit agus tá nósanna imeachta curtha i bhfeidhm aige chun comhlíonadh an Chóid a chinntiú. Chomhlíon CNFI go mór an Cód Cleachtas um Rialachas Comhlachtaí Stáit don bhliain 2023.

# Beathaisnéis na gComhaltai

amhail an 31 Nollaig 2023



## Michael McCarthy, Cathaoirleach

**Dátaí Téarma: 24 Meán Fómhair 2023 – 23 Meán Fómhair 2028 (An Dara Téarma).**

Ceapadh Michael mar Chathaoirleach an Choimisiúin Náisiúnta um Fhormhaoirsiú agus Iniúchóireacht i mí Mheán Fómhair 2018 agus athcheapadh é sa ról seo i Meán Fómhair 2023. Tá Michael ag feidhmiú mar Stiúrthóir ar Cloud Infrastructure Ireland agus mar Chathaoirleach ar Chumann Tithíochta Sophia. Ba chomhalta tofa de Chomhairle Contae Chorcaí é Michael idir 1999 agus 2003, de Sheanad Éireann idir 2002-2011 agus de Dháil Éireann do dháilcheantar Chorcaí Thiar Theas idir 2011 agus 2016. Chomh maith leis sin, is iarchomhalta de Choiste um Chuntais Phoiblí na Dála é.



## Brian Cawley

**Dátaí Téarma: 4 Meán Fómhair 2023 – 3 Meán Fómhair 2026 (An Dara Téarma).**

Bhí Brian ina Ard-Stiúrthóir ar an bhForas Riaracháin (FR) agus faoi láthair oibríonn sé mar chomhairleoir neamhspleách in athchóiriú na hearnála poiblí agus i gceannaireacht agus i mbainistíocht athruithe, ag obair le raon leathan cliant in Éirinn, sa CE agus go hidirnáisiúnta. Tá taithí fhairsing aige ag obair le rialtas láir agus áitiúil in Éirinn. Is céimí de chuid Choláiste na Tríonóide, Baile Átha Cliath agus Ollscoil Leicester é Brian agus tá MSc aige in Oiliúint agus Forbairt agus Dochtúireacht sna hEolaíochtaí Sóisialta.



## Margaret Lane

**Dátaí Téarma: 4 Meán Fómhair 2023 – 3 Meán Fómhair 2026 (An Dara Téarma).**

Is oiliúnóir feidhmiúcháin í Margaret agus tá taithí fhairsing aici ar airgeadas agus AD ar fud na n-earnálacha tráchtála, leathstáit agus poiblí. Tá post aici mar Stiúrthóir Straitéiseach AD, Ervia (Máthairchuideachta do Lionraí Gáis Éireann agus Uisce Éireann). I measc na bpost a bhí aici roimhe seo bhí Róil Feidhmiúcháin AD, post le Grúpa Bhord Gáis agus le Comhairle Cathrach Chorcaí. I measc a post eile, tá sí ina comhalta de Choiste Iniúchta ar Oifig Náisiúnta um Sheirbhísí Comhroinnte (NSSO) agus tá taithí luachmhar aici mar go bhfuil sí ina cathaoirleach ar an gCoiste Iniúchóireachta in Oifig an Ombudsman faoi láthair.



## Niall Quinn

**Dátaí Téarma: 4 Meán Fómhair 2020 – 3 Meán Fómhair 2023.**

---

Is abhcóide agus Idirghabhálaí Creidiúnaithe é Niall. Sular thosaigh sé ag cleachtadh ag an mBarra agus a chuid oibre mar idirghabhálaí bhí sé ina speisialtóir cumarsáide straitéiseach ar feadh 20 bliain. Is iar-Uachtarán é ar Institiúid na hÉireann um Chaidreamh Poiblí (IÉCP) agus Stiúrthóir neamhfheidhmiúcháin ar Chumann na gComhairleoirí um Chaidreamh Poiblí, leanann sé ag léachtóireacht i gcumarsáid straitéiseach agus cumarsáid ghéarchéime ag an IÉCP agus ag gabháil do thascanna cumarsáide straitéiseacha. Bhronn Coláiste na Tríonóide, Baile Átha Cliath BSc (Bainistíocht) air agus rinne sé staidéar ar an dlí in Óstáí an Rí, Baile Átha Cliath, agus glaoch chun an Bharra é in 2015.



## Declan Breathnach

**Dátaí Téarma: 28 Aibreán 2021 - 27 Aibreán 2024.**

---

Bhí Declan ina chomhalta den Choiste Buiséid agus Maoirseachta Parlaiminte, ina Leas-Chathaoirleach ar Choiste Forfheidhmithe Chomhaontú Aoine an Chéasta agus ina Leas-Chathaoirleach ar Chomhlachas Parlaiminteach na Breataine-na hÉireann. Bhí sé ina chomhalta de Chomhairle Contae Lú ó 1991 go 2016 agus ag fónamh mar Theachta Dála do Lú ó 2016 go 2020. Is iarmhúinteoir bunscoile agus iar-phríomhoide é Declan, agus tá os cionn 40 bliain de sheirbhís phoiblí aige.



## Noel Harrington

**Dátaí Téarma: Aibreán 2021 - 27 April 2024.**

---

Tá Noel ina Bhainisteoir Oifige agus ina Mháistir Poist ag An Post, Baile Chaisleáin Bhéarra, Co. Chorcaí faoi láthair. Bhí sé ina chomhalta tofa de Chomhairle Contae Chorcaí ó 1999 go dtí 2011 agus ina chomhalta tofa de Dháil Éireann ag fónamh ó 2011 go 2016. I measc a ról roimhe seo bhí; Comhalta de Choiste an Oireachtais um Fhormhaoirsiú Phoiblí agus Achainíocha, Cathaoirleach Chomhairle Contae Chorcaí, Cathaoirleach Údarás Réigiúnach an Iar-Dheiscirt, Cathaoirleach Grúpa Beartais Chorporáidigh Chontae Chorcaí agus Comhalta de Bhord Fiontraíochta Áitiúil Iarthar agus Thuaisceart Chorcaí.



## Ciarán Hayes

**Dátaí Téarma: 1 Iúil 2021 – 30 Meitheamh 2024.**

Is é Ciarán bunaitheoir agus Príomhfheidhmeannach Ciarán Hayes Consultancy Ltd., agus is Comhalta Boird d'Údarás Fuinnimh Inmharthana na hÉireann (SEAI) é freisin. Tá Céim BA sa Bhainistíocht Phoiblí aige, Ard-Diplóma i Staidéar Ríomhaireachta agus chuir sé Comhaltacht Shinsearach i gcrích in Ollscoil Harvard i mí na Nollag 2022 áit a ndearna sé taighde ar an athrú aeráide. D'oibrigh sé i gcúig Údarás Áitiúla i rith a shaoil, tá breis is 20 bliain de thaithí bhainistíochta shinsearach san earnáil Rialtais Áitiúil aige, agus d'éirigh sé as a phost mar Phríomhfheidhmeannach Chomhairle Contae Shligigh in 2021. Mar Phríomhfheidhmeannach agus thar ceann na hearnála, threoraigh sé freagairt an Rialtais Áitiúil don athrú aeráide agus bunú na nOifigí Réigiúnacha um Ghníomhú ar son na hAeráide (ORGA).



## Fiona Quinn

**Dátaí Téarma: 17 Bealtaine 2022 – 16 Bealtaine 2027.**

Is Oifigeach an Aire agus Rúnaí Cúnta sa Roinn Tithíochta, Rialtais Áitiúil agus Oidhreacht í Fiona. Tá Fiona freagrach as an Rannán Rialtais Áitiúil a dhéanann maoirseacht ar fhorbairt agus ar chur i bhfeidhm an chláir oibre um éifeachtacht agus nuachóiriú don earnáil rialtais áitiúil.



## Kathleen Holohan

**Dátaí Téarma: 27 Aibreán 2023 – 26 Aibreán 2026.**

Roimhe seo bhí Kathleen ag obair mar Phríomhfheidhmeannach Chomhairle Contae Cheatharlach (chuaigh sí ar scor i mí Dheireadh Fómhair 2022) i ndiaidh 45 bliain a chaitheamh ag obair san earnáil rialtais áitiúil agus tá breis is 20 bliain de thaithí aici ag leibhéal bainistíochta sinsearaí lena n-áirítear ocht mbliana ag obair mar Leas-phríomhfheidhmeannach Chomhairle Contae Dhún Laoghaire-Ráth an Dúin. Tá BA sa Bhainistíocht bronnta uirthi mar aon le MSc sa Chleachtas Bainistíochta agus is comhalta í de Choiste Iniúchóireachta agus Riosca Ollscoil Teicneolaíochta an Oirdheiscirt agus Cathaoirleach de VISUAL agus Amharclann George Bernard Shaw.



## Miriam McDonald

**Dátaí Téarma: 4 Meán Fómhair 2023 – 03 Meán Fómhair 2026**

Is Stiúrthóir Margaíochta/Saineolaí Bairr Feabhais Custaiméirí gairmiúil, cumasach agus le neart taithí í Miriam. Is Comhalta í den Institiúid Margaíochta agus roimhe seo bhí sí ag obair mar Cheannasaí Bainistíochta Custaiméirí, BSL, Príomhfheidhmeannach na hInstitiúide Margaíochta agus ceannasaí Cumarsáide an Chomhlachta Chomhairligh Uisce. Tá Céim Máistir bronnta uirthi agus Céimeacht na hInstitiúide Margaíochta agus is Comhalta Boird í de Dyspraxia/DCD Ireland.

# Grúpaí Oibre CNFI

Úsáideann CNFI Grúpaí Oibre chun formhór na hoibre a dhéanamh trí thionscadail éagsúla a chur chun cinn.

| Grúpaí Oibre CNFI   |                      |   |
|---|----------------------|---|
| Teideal   | Cód                  | Comhaltas 2023                          |
| An Grúpa Oibre um Phróiseas Grinnscrúdaithe                                     | <b>CATHAOIRLEACH</b> | Michael McCarthy                        |
| An Grúpa Oibre um Rialachas, Éifeachtúlacht agus Athchóiriú an Rialtais Áitiúil | <b>WG1: RÉARÁ</b>    | Brian Cawley <i>Cathaoirleach</i>       |
|   |                      | Niall Quinn*                            |
|   |                      | Declan Breathnach                       |
|   |                      | Ciarán Hayes                            |
| An Grúpa Oibre um Tháscairí Feidhmíochta  | <b>WG2: TF</b>       | Ciarán Hayes <i>Cathaoirleach</i>       |
|   |                      | Brian Cawley                            |
|   |                      | Noel Harrington                         |
| An Grúpa Oibre um Chumarsáid agus Seirbhís do Chustaiméirí                      | <b>WG3: CSC</b>      | Niall Quinn <i>Cathaoirleach*</i>       |
|   |                      | Miriam Mc Donald <i>Cathaoirleach**</i> |
|   |                      | Margaret Lane                           |
|   |                      | Declan Breathnach                       |
|   |                      | Kathleen Holohan**                      |
| An Grúpa Oibre um Bhainistíocht Airgeadais agus Feidhmíocht                     | <b>WG4: BAF</b>      | Margaret Lane <i>Cathaoirleach</i>      |
|   |                      | Fiona Quinn                             |
|   |                      | Kathleen Holohan**                      |

\*léiríonn go ndeachaigh téarma an chomhalta in éag i rith 2023.

\*\*léiríonn gur cuireadh tús le téarma an chomhalta i rith 2023.





## WG1:

# An Grúpa Oibre um Rialachas, Éifeachtúlacht agus Athchóiriú an Rialtais Áitiúil

### Ról

Is é ról na Ghrúpa Oibre um Rialachas, Éifeachtúlacht agus Athchóiriú ná cabhrú le feidhmeanna CNFI faoi alt 126C (1) (d), (e), (f) agus (g) d'Acht um Athchóiriú an Rialtais Áitiúil, 2014. Áirítear leo na tascanna seo a leanas:

- ▶ Monatóireacht agus meastóireacht a dhéanamh ar an méid a bhfuiltear ag cloí le haon chomhaontú atá cosúil le comhaontú leibhéal seirbhíse a bhfuil comhlacht rialtais áitiúil amháin nó níos mó páirteach ann.
- ▶ Maoirseacht a dhéanamh ar an gcaoi a gcuireann comhlachtaí rialtais áitiúil beartas náisiúnta i bhfeidhm i ndáil leis an rialtas áitiúil.
- ▶ Monatóireacht agus meastóireacht a dhéanamh ar chur i bhfeidhm athchóiriú na seirbhíse poiblí ag comhlachtaí rialtais áitiúil.
- ▶ Monatóireacht a dhéanamh ar leordhóthanacht an phlean chorparáidigh arna ullmhú ag Tionól Réigiúnach agus ag Comhairle.

### Cruinnithe

Tháinig WG1 le chéile cúig huair le linn 2023.

| Uimh. | Dáta                 |
|-------|----------------------|
| 1     | 25 Eanáir 2023       |
| 2     | 5 Aibreán 2023       |
| 3     | 7 Meitheamh 2023     |
| 4     | 20 Meán Fómhair 2023 |
| 5     | 22 Samhain 2023      |

### Príomhghníomhaíochtaí in 2023

#### Athbhreithniú a dhéanamh ar Chur Chun Feidhme Phleananna Corparáideacha Rialtais Áitiúil agus Tionól Réigiúnaigh 2019-2024

Príomhghníomhaíocht atá le déanamh ag an meitheal é monatóireacht a dhéanamh ar leordhóthanach phleananna corparáideacha ullmhaithe ag tionól réigiúnacha agus údaráis áitiúla. Sa chomhthéacs sin, rinne CNFI athbhreithnithe ar chur chun feidhme Phleananna Corparáideacha 2015-2019 agus ar fhorbairt phleananna don tréimhse idir 2019-2024 agus d'fhoilsigh sé na tuarascálacha seo in 2015 agus 2021, faoi seach.

In 2023, chuir an Grúpa Oibre tús le hathbhreithniú ar chur chun feidhme Phleananna Corparáideacha 2019-2024 agus foilseofar an tuarascáil seo in 2024.

## Monatóireacht a dhéanamh ar Thuarascálacha faoi Straitéisí Réigiúnacha Spásúla agus Eacnamaíocha Tionól Réigiúnach

Faoi Acht um Pleanáil agus Forbairt, 2000, áirítear i gceann d'fheidhmeanna reachtúla CNFI monatóireacht ar chur chun feidhme na Straitéisí Réigiúnacha Spásúla agus Eacnamaíocha. Fuair CNFI tuarascálacha monatóireachta a bhain le cur chun feidhme SRSE ón trí thionól réigiúnacha.

I rith na bliana, bhuail an Grúpa Oibre le hionadaithe ó RTRÁO agus ORP chun na tuarascálacha a phlé. Lorg CNFI cabhair ó ORP, ag a bhfuil saineolas sonrath sa réimse seo, chun athbhreithniú a dhéanamh ar thuarascálacha monatóireachta dhá bhliana SRSE ullmhaithe ag Tionól Réigiúnach an Oirthir agus Lár Tíre, Tionól Réigiúnach an Tuaiscirt agus an Iarthair agus Tionól Réigiúnach an Deiscirt. Cuireadh an Tuarascáil seo ar fáil i Ráithe 4 2023 agus rinne CNFI athbhreithniú uirthi mar aon le gníomh leantach, lena n-áirítear foilsiú beartaithe na tuarascála in 2024.

## Comhaontú Seirbhíse

Tá ról ag CNFI i monatóireacht agus meastóireacht a dhéanamh ar an méid a bhfuiltear ag cloí le haon chomhaontú atá cosúil le comhaontú leibhéal seirbhíse a bhfuil comhlacht rialtais áitiúil amháin nó níos mó páirteach ann. Tacaíonn an Grúpa Oibre le CNFI chun an ról seo a chomhlíonadh.

I bhfianaise an mhéid sin, rinne an Grúpa Oibre réamh-athbhreithniú ar CLSanna lena n-áirítear suirbhé, a cuireadh ar fáil do gach údarás áitiúil. Rinneadh cur i láthair maidir le cuid de na réamhthorthaí ag cruinniú de Chathaoirligh na gCoistí Iniúchóireachta Rialtais Áitiúil i rith 2023.

Déanfar tuilleadh breithniúcháin ar thacú le forbairt an dea-ghnáis sa réimse seo.



**Tá sé beartaithe ag CNFI leanúint ar aghaidh ag obair bunaithe ar a fhís agus uaimhian agus tá sé seo soiléir trína Straitéis agus Clár Oibre nua.**

## WG2:

# An Grúpa Oibre um Tháscairí Feidhmíochta

### Ról

Is é ról an Ghrúpa Oibre seo ná maoirseacht a dhéanamh ar fhorbairt tuarascáil bhliantúil faoi tháscairí feidhmíochta údaráis áitiúil. San áireamh anseo tá athbhreithniú a dhéanamh ar tháscairí agus ar threoir oiriúnach d'údaráis áitiúla, cinneadh a dhéanamh faoin bpróiseas fíoraithe ba cheart a úsáid i ndáil leis na sonraí a cuireadh isteach agus tráchttaireacht CNFI faoi na sonraí tiomsaithe a dhréachtú, mar aon le haon fheidhm leantach a d'fhéadfadh a bheith riachtanach.

Bunaíodh an Grúpa Oibre i mí Dheireadh Fómhair 2014 agus baineann sí le feidhm CNFI faoi alt 126C (1) (a) den Acht Rialtais Áitiúil chun an méid seo a leanas a dhéanamh:

- (a) grinnscrúdú a dhéanamh ar fheidhmíocht aon chomhlachta rialtais áitiúil i gcoinne nó i gcomparáid le haon ábhar táscach (dá ngairtear 'táscairí ábhartha' sa Chuid seo):
- (i) A mheasann an Coimisiún gurbh iomchuí tagairt a dhéanamh dó (lena n-áireofar ábhair táscacha a bhaineann le seirbhís do chustaiméirí), nó
  - (ii) Féadfaidh an tAire forordú le rialacháin chun críche na míre seo.

Clúdaíonn obair na meithle go pointe áirithe réimsí feidhmíochta airgeadais na n-údarás áitiúil (Alt 126C (1)(b)).

### Cruinnithe

Tháinig WG2 le chéile sé huair le linn 2023.

| Uimh. | Dáta            |
|-------|-----------------|
| 1     | 24 Eanáir 2023  |
| 2     | 15 Feabhra 2023 |
| 3     | 27 Aibreán 2023 |
| 4     | 3 Lúnasa 2023   |
| 5     | 30 Lúnasa 2023  |
| 6     | 28 Samhain 2023 |

## Príomhghníomhaíochtaí in 2023

### Táscairí Feidhmíochta

Ceann de príomhfheidhmeanna CNFI é grinnscrúdú a dhéanamh ar fheidhmíocht aon údaráis áitiúil i gcoinne, nó i gcomparáid le, táscairí ábhartha a mheasann an Coimisiún a bheith iomchuí.


Cuimsíonn na táscairí feidhmíochta roinnt luachanna intomhaiste lena léirítear cé chomh héifeachtach agus atá údarás áitiúil agus a príomhchuspóirí á mbaint amach aige.

In 2023, foilsíodh an naoú Tuarascáil Táscaire Feidhmíochta. Mar chuid d'ullmhú na tuarascála, bhreithnigh agus d'athbhreithnigh an Grúpa Oibre táscairí agus chuaigh sí i mbun idirchaidrimh leis na húdaráis áitiúla agus páirtithe leasmhara eile maidir le feabhsuithe nó athruithe a d'fhéadfaí a ionchorprú ina tuarascáil.

## Tuarascáil ar an Táscaire Feidhmíochta 2022

Thiomsaigh an Grúpa Oibre na treoirlínte don tuarascáil ag tús 2023, bunaithe ar athruithe sa mhodheolaíocht do tháscairí reatha agus forbairt táscairí nua. Ar an 8 Márta 2023, reáchtáil CNFI Ceardlann do Chomhordaitheoirí Sonraí ó gach údarás áitiúil maidir le treoirlínte thuarascáil 2022.

Maidir le tuarascáil 2022, scrúdaigh CNFI 44 táscaire ar leith a chlúdaigh 11 cheannteideal. Roghnaítear táscairí feidhmíochta agus cuirtear i gcatagóirí iad chun léargas a thabhairt ar phríomhfheidhmeanna rialtais áitiúil, lena n-áirítear:



Admhaíonn CNFI, áfach, nach dtugtar léargas iomlán sna táscairí ar an raon iomlán agus leathan seirbhísí a chuireann na Comhairlí Cathrach agus Contae ar fáil ar fud an Stáit.

I gcomhair Thuarascáil 2022, bheachtaigh CNFI roinnt táscairí ar mhaithe le soiléire a fheabhsú agus an fhaisnéis a bhailiú ar bhealach níos éifeachtúla.

Tá tuilleadh sonraí faoin tuarascáil seo sa roinn Tuarascálacha agus Buaicphointí. Tá an tuarascáil iomlán agus na treoirlínte ar fáil ar [www.noac.ie](http://www.noac.ie).

## Gníomhaíochtaí Eile na Meithle

### Creat Táscaire Feidhmíochta CNFI

Thug CNFI sé chuairt bhailíochtaithe ar údarais áitiúla roghnaithe i mí Meithimh agus i mí Iúil 2023. Bhuail comhaltaí CNFI le Príomhfheidhmeannaigh agus le foirne bainistíochta sinsearachacha ón sé údarás áitiúla chun athbhreithniú a dhéanamh ar na sonraí a cuireadh ar fáil sa tuarascáil agus chun plé a dhéanamh ar shaincheisteanna feidhmíochta foriomlána agus ar a dtaithe ar phróiseas na dtáscairí agus a thorthaí.

Chomh maith leis sin, tugadh forléargas achomair do chomhaltaí CNFI ar an gcomhthéacs ina bhfuil údarais áitiúla ag feidhmiú faoi láthair, a ndúshláin agus a dtosaíochtaí.

Seo a leanas na húdarais áitiúla a roghnaíodh chun athbhreithniú a dhéanamh orthu - Fine Gall, Sligeach, Muineachán, Cill Dara, Comhairle Cathrach agus Contae Luimnigh agus Comhairle Cathrach na Gaillimhe.



Roghnaíodh sé tháscaire feidhmíochta chun athbhreithniú a dhéanamh orthu, bunaithe ar WG2. Ina measc seo bhí táscairí nua nó táscairí nár roghnaíodh roimhe seo agus táscaire tithíochta amháin:

### Athraíonn na táscairí gach bliain agus is iad na cinn a roghnaíodh do 2022 ná:

**Tithíocht H2:**  
Folúntais Tithíochta

**Bóithre R1:**  
Rátáil Innéacs Bail Dromchla Cosáin (IBDC)

**Comhshaol E7:**  
Athrú Aeráide

**Corparáideach C2:**  
Saoire Bhreiteachta

**Airgeadas M2**  
Rátáil Bailithe Ioncaim

**Forbairt Eacnamaíoch J5:**  
Caiteachas ar Fhorbairt Eacnamaíoch

### Rannpháirtíocht le Cathaoirligh Coistí Iniúcháireachta

Ag Ceardlann le Cathaoirligh Coistí Iniúcháireachta údaráis áitiúil óstáilte ag Grúpa Oibre 4 ar an 4 Deireadh Fómhair 2023, rinne Cathaoirleach WG2 cur i láthair maidir le Tuarascáil Táscaire Feidhmíochta Údaráis Áitiúil CNFI 2022. Rinneadh cur síos ar ról CNFI i maoirseacht agus tomhas feidhmíocht údaráis áitiúil, mar aon leis an nasc idir nithe a bhaineann le beartas náisiúnta agus conas a fhorbróidh na táscairí feidhmíochta chun cuntas a dhéanamh d'athruithe le himeacht ama, cosúil le i réimse an Athraithe Aeráide.

Saináithníodh i rith an chuir i láthair táscairí feidhmíochta CNFI agus an tuarascáil, a fhoilsítear go bliantúil, mar acmhainn shuntasach do choistí iniúcháireachta nuair a bhíonn a ról á gcomhlíonadh acu i ndáil le dea-ghnás a sheachadadh ar fud na earnála.

### Rannpháirtíocht le Páirtithe Leasmhara

I gcomhréir lena thosaíochtaí corparáideacha, leathnaíodh ról CNFI trí rannpháirtíocht le heagraíochtaí agus gníomhaireachtaí earnála poiblí eile i rith 2023. Sa chomhthéacs seo, d'oibrigh WG2 le RCAC, RI agus GBRÁ chun cinneadh a dhéanamh maidir le conas a d'fhéadfadh CNFI cabhrú leis na gníomhaireachtaí trí tháscairí feidhmíochta ábhartha a fhorbairt agus a ionchorprú, agus ar an tslí sin, a chinntiú go bhfuil maoirseacht á déanamh ar cheanglais bheartais náisiúnta na gníomhaireachta ag leibhéal áitiúil. San áireamh bhí:

- ▶ Cruinnithe le RCAC i mBealtaine agus i nDeireadh Fómhair 2023 chun plé a dhéanamh ar tháscairí feidhmíochta a bhaineann leis an aeráid agus maoirseacht ar ról an Rialtais Áitiúil i seachadadh gníomhartha faoi Phlean Gníomhaithe ar son na hAeráide 2023 (CAP23), go háirithe i ndáil le hoibleagáidí astaíochtaí carbóin na hearnála.
- ▶ Rannpháirtíocht le RCAC, RI agus GBRÁ i mí na Nollag 2023 maidir le ról an Rialtais Áitiúil i gcomhlíonadh chuspóirí soghluaisteachta inbhuanaithe náisiúnta RI faoi CAP23.

## WG3:

# An Grúpa Oibre um Chumarsáid agus Seirbhís do Chustaiméirí

### Ról

Is é tasc an Ghrúpa Oibre seo feidhmeanna CNFI a chur i gcrích faoi alt 126C (1) (a) den Acht um Athchóiriú Rialtais Áitiúil, 2014, arb ionann iad agus grinnscrúdú a dhéanamh ar fheidhmíocht údaráis áitiúil i gcomparáid le táscairí ábhartha a bhaineann le seirbhís do chustaiméirí agus faoi alt 126C (1) (c) chun tacú le forbairt agus feabhsú an dea-ghnáis.

Tá an Grúpa Oibre airdeallach go háirithe ar an tábhacht a bhaineann le hidirghníomhaíochtaí CNFI le páirtithe leasmhara. Trí shuíomh gréasáin CNFI, tá sruth leanúnach faisnéise roinnte, cosúil le dáileadh méadaithe

thuarascálacha CNFI, méadú suntasach ar phreaseisiúintí, comhéadan níos éasca le húsáid, óstáil Sheimineár ar Dhea-Ghnás i Rialtas Áitiúil CNFI, mar aon le rannpháirtíocht leis na meithleacha CNFI eile chun cabhrú lena riachtanais chumarsáide.

### Cruinnithe

Tháinig WG3 le chéile sé huair le linn 2022.

| Uimh. | Dáta                 |
|-------|----------------------|
| 1     | 10 Eanáir 2023       |
| 2     | 18 Aibreán 2023      |
| 3     | 22 Bealtaine 2023    |
| 4     | 27 Iúil 2023         |
| 5     | 19 Meán Fómhair 2023 |
| 6     | 09 Samhain 2023      |



Ó chlé go deas: Ciaran Hayes (comhalta CNFI), Noel Harrington (comhalta CNFI), Claire Gavin (Ceannasaí Rúnaíocht CNFI), Declan Breathnach (comhalta CNFI), Michael McCarthy (Cathaoirleach CNFI), Miriam McDonald (comhalta CNFI), Frank Curran (Cathaoirleach CBCC ag an am agus Príomhfheidhmeannach Chomhairle Contae Dhún Laoghaire-Ráth an Dúin)

## Príomhghníomhaíochtaí in 2023

### Straitéis Chumarsáide

Thug an Grúpa Oibre faoi Straitéis Chumarsáide a fhorbairt don CNFI. San áireamh anseo bhí cleachtadh mapála páirtithe leasmhara agus eagraíocht chumarsáide speisialta a aimsiú chun suirbhé a dhéanamh ar pháirtithe leasmhara agus chun cabhrú le Straitéis Chumarsáide CNFI a fhorbairt. D'fhaomh CNFI an Straitéis i mí na Nollag 2022.

Bhíothas ag leanúint ar aghaidh le cur chun feidhme na Straitéise i rith 2023, tráth ar cuireadh níos mó preaseisiúintí ar fáil, a ndearnadh rannpháirtíocht leis na meáin agus le páirtithe leasmhara CNFI agus a ndearnadh tuilleadh forbartha ar imeachtaí CNFI cosúil le Seimineár ar Dhea-Ghnás i Rialtas Áitiúil CNFI agus ceardlann an Choiste Iníúcháireachta.

### Suirbhé Sástachta Custaiméirí GBRÁ

Choimisiúnaigh CNFI suirbhé trí bliana in 2018 ar gach údarás áitiúil chun eolas a bhailiú maidir le sástacht an phobail i gcoitinne lena n-údaráis áitiúla. Nuair a bhí sé seo curtha i gcrích, d'aistrigh CNFI bainistiú na suirbhéanna chuig GBRÁ, ach lean sé ar aghaidh le ról maoirseachta a bheith aige i ndáil le seachadadh.

Gach bliain, buaileann CNFI le hionadaithe ó GBRÁ chun plé a dhéanamh ar thorthaí an tsuirbhé a rinneadh roimhe seo agus chun ionchur a chur ar fáil do Shuirbhé Seirbhísí Custaiméirí Rialtais Áitiúil Náisiúnta GBRÁ an chéad bhliain eile. Go háirithe, tharraing CNFI aird ar théamaí sonracha agus ar ábhar a raibh sé ag iarraidh a scrúdú i suirbhé 2023. Foilseofar torthaí an tsuirbhé seo in 2024 agus leanfaidh CNFI ar aghaidh ag obair le GBRÁ ar shuirbhéanna amach anseo.

### Seimineár ar Dhea-Ghnás i Rialtas Áitiúil

D'óstáil CNFI a shéú Seimineár ar Dhea-Ghnás i Rialtas Áitiúil i gcomhpháirt le GBRÁ agus CBCC, ar an 26 Deireadh Fómhair 2023 i gCaisleán Chill Chainnigh. Reáchtáladh an t-imeacht seo mar chuid de Sheachtain Bhunathraithe na Seirbhíse Poiblí RCPSPFNA.

Is príomhimeacht é an seimineár seo agus tugann sé deis do CNFI, údaráis áitiúla agus páirtithe leasmhara eile bualadh lena chéile, cur i láthair a dhéanamh agus plé a dhéanamh ar réimsí agus tionscadail dea-ghnáis a d'fhéadfadh saol daoine ina bpobail a fheabhsú. Ceadaíonn sé dóibh tionscadail eiseamláireacha a shainaithint, a d'fhéadfaí a chur chun feidhme i réimsí eile den earnáil rialtais áitiúil.

Tá tuilleadh eolais maidir leis an Seimineár, lena n-áirítear tionscadail a cuireadh i láthair, le fáil i rannóg Bhuaicphointí Thuarascálacha & Imeachtaí CNFI 2023 thíos. Tá gearrthóga físe de na cainteoirí agus na tionscadail go léir ar an suíomh gréasáin [www.noac.ie](http://www.noac.ie).

## WG4:

# An Grúpa Oibre um Bhainistíocht Airgeadais agus Feidhmíocht

### Ról

Baineann obair an ghrúpa le feidhm CNFI faoi alt 126C (1) (b), (e) agus (f) d'Acht um Athchóiriú Rialtais Áitiúil, 2014:

- (b) Grinnscrúdú a dhéanamh ar fheidhmíocht airgeadais, lena n-áirítear maidir le luach ar airgead, aon chomhlacht rialtais áitiúil, maidir leis na hacmhainní airgeadais atá ar fáil di;
- (e) Maoirseacht a dhéanamh ar an gcaoi a gcuireann comhlachtaí rialtais áitiúil beartas náisiúnta i bhfeidhm i ndáil leis an rialtas áitiúil.
- (f) Monatóireacht agus meastóireacht a dhéanamh ar chur i bhfeidhm athchóiriú na seirbhíse poiblí (lena n-áirítear éifeachtúlachtaí feabhsaithe) ag comhlachtaí rialtais áitiúil go ginearálta nó i leith aon chomhlacht rialtais áitiúil nó aicme comhlachtaí dá leithéid.

Ina theannta sin, déanann an grúpa seo maoirseacht ar thiomsú agus ar ullmhú na Tuarascála Dearbhaithe Cáilíochta Rialtais Áitiúil bliantúla, faoin gCód Caiteachais Phoiblí.

### Cruinnithe

Tháinig WG2 le chéile sé huair le linn 2023

| Uimh. | Dáta                 |
|-------|----------------------|
| 1     | 18 Eanáir 2023       |
| 2     | 22 Márta 2023        |
| 3     | 10 Bealtaine 2023    |
| 4     | 21 Iúil 2023         |
| 5     | 8 Meán Fómhair 2023  |
| 6     | 25 Meán Fómhair 2023 |

### Príomhghníomhaíochtaí in 2023

#### Cód Caiteachais Phoiblí

Ba é RCPSPFNA a d'fhorbair an Cód Caiteachais Phoiblí agus baineann sé le gach comhlacht poiblí a bhfuil cistí poiblí á bhfáil aige.

Tá dualgas ar gach comhlacht poiblí in Éirinn caitheamh go cúramach, le cistí poiblí agus a chinntiú go bhfaightear an luach is fearr ar airgead aon uair a bhíonn airgead poiblí á chaitheamh nó á infheistiú.



**Thiomsaigh CNFI Tuarascálacha Dearbhaithe Cáilíochta ó gach údarás áitiúil agus d'ullmhaigh sé an Tuarascáil Dearbhaithe Cáilíochta Rialtais Áitiúil, faoin gCód Caiteachais Phoiblí.**



Mar chuid de phróiseas seo, thiomsaigh CNFI Tuarascálacha Dearbhaithe Cáilíochta as ar fud 31 údarás áitiúil agus d'ullmhaigh sé an Tuarascáil Dearbhaithe Cáilíochta Rialtais Áitiúil, faoin gCód Caiteachais Phoiblí.

Foilsíodh an naoú tuarascáil faoin gCód Caiteachais Phoiblí don earnáil rialtais áitiúil, roimh an spriodhata a bhí beartaithe, ar shuíomh gréasáin CNFI ar an 20 Meán Fómhair 2023.

Lena chois sin, tá an mheitheal ag leanúint ar aghaidh ag cur le luach na hoibre seo agus, in 2023, scrúdaíodh sonraí a bhaineann le hAguisín 5 den tuarascáil agus roinneadh na torthaí leis na príomhpháirtithe leasmhara.

Tá tuilleadh sonraí faoin tuarascáil seo san áireamh sa roinn Tuarascálacha agus Buaicphointí sa Tuarascáil Bhliantúil seo. Tá an tuarascáil iomlán le fáil ar an suíomh gréasáin freisin ag [www.noac.ie](http://www.noac.ie).

### **Ceistneoir Iniúcháireachta Inmheánaí**

Rinne CNFI athbhreithniú ar fheidhm iniúcháireachta inmheánaí údarás áitiúil chun scrúdú a dhéanamh ar na feabhsuithe atá déanta ó foilsíodh tuarascáil CNFI in 2018 agus ar cibé acu an raibh nó nach raibh na moltaí atá le fáil sa tuarascáil sin, glactha agus úsáidte ar mhaithe le feidhm agus ról iniúcháireachta inmheánaí an údarás áitiúil a fheabhsú.

Chun é seo a dhéanamh, rinne CNFI suirbhé ar an 31 údarás áitiúil ar fad a bhí dírithe ar a bhfeidhmeanna iniúcháireachta inmheánaí. Dáileadh an suirbhé seo ar Phríomhfheidhmeannaigh na n-údarás áitiúil ar fad ar an 22 Meitheamh 2023 trí uirlis suirbhé ar líne agus ba é an 7 Iúil 2023 an spriodhata a bhí luaite leis. Fuarthas an fhreagairt deiridh faoin 2 Lúnasa 2023.

Fiafraíodh d'údarás áitiúla ceistneoir a chomhlánú agus liosta de gach tuarascáil a cuireadh i dtoll a chéile in 2021 agus 2022, agus atá beartaithe a chur i dtoll a chéile in 2023, a chur ar fáil chun léargas a thabhairt ar an raon ábhar ar dhírigh a rannáin iniúcháireachta inmheánaí orthu.

Is léir ón suirbhé a rinne CNFI go bhfuil meas ag gach údarás áitiúil ar agus go dtuigeann siad an tábhacht a bhaineann le ról na hiniúcháireachta inmheánaí. Rinne CNFI anailís ar fhreagairtí an tsuirbhé agus d'úsáid sé na freagairtí seo chun tuarascáil chuimsitheach a thiomnú ina bhfuil moltaí agus torthaí. Tá an tuarascáil seo á dréachtú faoi láthair agus foilseofar í in 2024.

### **Rannpháirtíocht le Coistí Iniúcháireachta**

Ar an gCéadaoin, an 4 Deireadh Fómhair, reáchtáil an grúpa oibre ceardlann le Cathaoirligh Choistí Iniúcháireachta Údarás Áitiúil i bPort Laoise, Co. Laoise.

I láthair ag an imeacht seo bhí comhaltaí de bhord CNFI, ionadaithe ón 23 Coiste Iniúcháireachta údarás áitiúil difriúil, rannáin iniúcháireachta inmheánaí údarás áitiúil, SIRÁna agus oifigigh ó RTRÁO.

Tugadh forléargas i rith cur i láthair a rinneadh ar an lá ar CNFI agus ar an bpríomhobair atá á déanamh aige cosúil lena Thuarascáil Táscaire Feidhmíochta 2022, an Cód Caiteachais Phoiblí, athbhreithniú ar chur chun feidhme Pleananna Corparáideacha údarás áitiúil, Comhaontuithe Leibhéal Seirbhíse agus réamhthorthaí ó Shuirbhé Ceistneoir Iniúcháireachta Inmheánaí CNFI.

Rinneadh cur i láthair freisin ar thaithí Chomhairle Contae an Longfoirt maidir le hiniúchadh inmheánach agus líonraí iniúchadh inmheánach.

Tarraingíodh aird ar roinnt ábhar i rith an tseisiúin cosúil le húsáideacht Thuarascáil Táscaire Feidhmíochta CNFI d'údarás áitiúla, gur shíl coistí iniúcháireachta áirithe go raibh gá le tuilleadh taithí airgeadais, forbairt doiciméad dea-ghnáis i dtéarmaí CLSanna, an gá atá le tuilleadh forbairt a dhéanamh ar chearta an duine agus ar chomhionannas sa chéad timthriall eile de phleananna corparáideacha údarás áitiúil agus plé spéisiúil faoi réamhthorthaí Thuarascáil Iniúcháireachta Inmheánaí CNFI.

Lena chois sin agus trí chuireadh a thabhairt, bhuail Grúpa Oibre 4 le Comhairle Contae Chorcaí, Comhairle Cathrach Chorcaí, RTRÁO agus Coiste Iniúchóireachta Chomhairle Contae Lú i rith na bliana. Tá CNFI airdeallach ar an tábhacht a bhaineann lena leithéid de rannpháirtíocht agus rinne sé cur i láthair ag gach rannpháirtíocht.

Tá na rannpháirtíochtaí leanúnacha seo le Coistí Iniúchóireachta riachtanach agus ceadaíonn siad do CNFI feidhmiú mar fhoinsé úsáideach agus thábhachtach faisnéise chun cabhrú leo agus tacú leo a gcuid ról a chomhlíonadh.

### Cruinniú le hionadaithe MyPay

Soláthraíonn MyPay seirbhísí párolla agus aoisliúntais d'údarás áitiúla trí chóras TFC comhroinnte agus ionad seirbhíse comhroinnte aonair ó 2014. Lorg an Mheitheal nuashonruithe rialta ar an tionscadal MyPay i rith na bliana agus bhuail sí le hionadaithe ó MyPay i mí Bealtaine 2023. Mar chuid den rannpháirtíocht, thug MyPay forléargas ar a oibríochtaí agus nuashonrú ar dhul chun cinn ó reáchtáladh an cruinniú deiridh roimhe sin i mí na Samhna 2021.

Maidir le Payroll, tugadh faoi deara go raibh obair á déanamh agus go mbeifear ag leanúint ar aghaidh le hobair in 2024 a bhain le hascnamh Chomhairle Cathrach Bhaile Átha Cliath go dtí People XD (Core), obair nach mór a chur i gcrích sular féidir leis an údarás áitiúil aistriú go dtí MyPay.

Ag deireadh 2023, bhí 21 as an 33 láthair údarás áitiúil ionsuite ar Scéim Aoisliúntais Chomhroinnte MyPay. Táthar ag súil go mbeidh Comhairle Contae Bhaile Átha Cliath Theas beo ag tús 2024.

Pléadh dúshláin a bhain le dul chun cinn i roinnt réimsí i ndáil le feidhmiúlacht agus táthar ag súil go n-aistrefar na láithreacha eile chuig an scéim as seo go ceann dhá bhliain, faoi réir ceadú a fháil ó RTRÁO d'acmhainní foirne breise.

### Rannpháirtíocht le SIRÁ

Bhuail an Grúpa Oibre le hoifigigh ó Aonad Luach ar Airgead (LaA) SIRÁ i Márta 2023. Thug SIRÁ forléargas ar an obair atá á déanamh aici.

Leagadh béim ar leith ar an bpointe go raibh tuarascálacha LaA bunaithe ar fhírí ó phaindéim COVID-19 i leith agus go mbeadh na tuarascálacha seo ag baint tairbhe as moltaí arís agus go mbeadh béim á leagan ar dhea-ghnás.

Tá sé de nós ag na tuarascálacha díriú ar réimsí ardriosca, ardtionchair d'obair údarás áitiúil, cosúil le forléargas ar ábhair lena n-áirítear Athbhreithnithe Rátaí, lasachtaí Tithíochta Atógáil Éireann eisithe ag údarás áitiúla, Scéimeanna um Tharscaoileadh Rátaí agus Tithíocht Shóisialta Fholamh/Neamhnitheach.

Lorgaíonn SIRÁ aiseolas ó údarás áitiúla maidir le hábhair ar cheart di díriú orthu ar bhonn bliantúil. Moltar roinnt réimsí féideartha a bhféadfadh an Grúpa Oibre díriú orthu. D'fhéadfadh na nithe seo a leanas a bheith san áireamh sna réimsí seo:

- ▶ Athbhreithniú ar shuirbhéanna ar bhail an stoic tithíochta sa chás go bhfuil siad seo curtha i gcrích ag údarás áitiúla,
- ▶ Béim ar conas is féidir deireadh a chur le baic agus moilleanna sa chóras tithíochta sóisialta d'fhonn a chinntiú go bhfuil úsáid iomlán á baint as stoic thithíochta. D'fhéadfaí aird a tharraingt ar shamplaí dea-ghnáis údarás áitiúil sa réimse seo ag imeachtaí bliantúla Dea-Ghnáis CNFI,
- ▶ Athbhreithniú ar Ioncam Cíosa sa chás gur ann do scéimeanna cíosa difriúla agus conas a bhféadfadh imfhálú ioncaim cíosa dul i bhfeidhm ar bhuiséid i gcomparáid le caiteachas cothabhála in údarás áitiúla, agus
- ▶ Athbhreithniú ar an bpróiseas/amscála a bhaineann le leithdháileadh agus áitíocht réadmhaoine foilmhe.

Breithneoidh an Grúpa Oibre an fhaisnéis seo nuair a bheidh a Clár Oibre 2024 á hullmhú aici.


# Próiseas Grinnscrúdaithe CNFI

## Athbhreithniú ar fheidhmíocht na n-údarás áitiúil aonair

Ceann de phríomhfheidhmeanna CNFI ná grinnscrúdú a dhéanamh ar fheidhmíocht aon chomhlacht rialtais áitiúil. Agus é sin san áireamh, thosaigh bord CNFI ag athbhreithniú feidhmíochta na n-údarás áitiúil aonair in 2017 tríd an bPróiseas Grinnscrúdaithe.

Is é Cathaoirleach CNFI, le tacaíocht ó chomhaltaí boird CNFI agus ón Rúnaíocht, atá i gceannas an phróisis seo.

Mar chuid den phróiseas seo, dréachtaíonn CNFI próifíl chuimsitheach d'údarás áitiúil ar leith, a dhéanann anailís ar shonraí a fuarthas ó na tuarascálacha éagsúla a rinne CNFI agus ar aon sonraí eile a mheastar a bheith ábhartha. Úsáidtear na sonraí a bhailítear chun breathnú ar threochtaí chomh maith le comparáid a dhéanamh idir an chaoi a bhfuil ag éirí le húdarás áitiúla go náisiúnta.



## Cruinnithe Próisis Ghrinnscrúdaithe a tionóladh in 2023

| Údarás Áitiúil (ÚÁ)                          | Cruinnithe Chéim 1   | Cruinnithe Chéim 2     |
|--|----------------------|------------------------|
| Comhairle Contae an Chabháin                 | Meitheamh 2022       | Márta 2023             |
| Comhairle Contae Chorcaí                     | Márta 2023           | N/B                    |
| Comhairle Cathrach Bhaile Átha Cliath        | Meitheamh 2022       | Eanáir 2023            |
| Comhairle Contae Dhún Laoghaire/Ráth an Dúin | Márta 2023 ar líne   | Nollaig 2023           |
| Comhairle Contae na Gaillimhe                | Meán Fómhair 2022    | Meán Fómhair 2023      |
| Comhairle Contae Chill Dara                  | Feabhra 2023         | Eanáir 2024            |
| Comhairle Contae Chill Chainnigh             | Nollaig 2023         | N/B                    |
| Comhairle Contae an Longfoirt                | Feabhra 2023 ar líne | Meitheamh 2023         |
| Comhairle Contae Mhaigh Eo                   | Feabhra 2023 ar líne | Bealtaine 2023 ar líne |
| Comhairle Contae Chill Mhantáin              | Bealtaine 2023       | N/B                    |

Nuair a bheidh an tuarascáil phróifíle ullmhaithe, cuirtear ar aghaidh í chuig Príomhfheidhmeannaigh an údaráis áitiúil ábhartha mar bhonn do chruinniú Chéim 1, ar féidir é a thionól ansin in oifig ábhartha an údaráis áitiúil nó trí chruinniú ar líne.

Ina theannta sin, tionóltar an dara cruinniú, ar a dtugtar cruinniú Chéim 2, idir an Príomhfheidhmeannach, cuid d'fhoireann bainistíochta na n-údarás áitiúil nó iad go léir agus bord CNFI.

Ligeann sé seo don bhord cur i láthair agus ceisteanna doimhne agus scrúdú breise a dhéanamh ar an údarás áitiúil agus a oibríochtaí.

Mar a léiríodh sa tábla thuas, reáchtáil CNFI seacht gchruinniú Chéim 1 le Comhairlí Contae Chorcaí, Dún Laoghaire/Ráth an Dúin, Chill Dara, Chill Chainnigh, Longfoirt, Mhaigh Eo agus Chill Mhantáin in 2023. Ba é seo an líon is airde de chruinnithe Chéim 1 a reáchtáladh le húdaráis áitiúla i mbliain féilire go dtí seo agus léiríonn sé na hiarrachtaí suntasacha atá déanta ag CNFI chun athbhreithniú a dhéanamh ar fheidhmíocht na hearnála rialtais áitiúil.

Ina theannta sin, reáchtáladh sé chruinniú Chéim 2 le Comhairlí Contae an Chabháin, Cathair Bhaile Átha Cliath, Dún Laoghaire/Ráth an Dúin, Contae na Gaillimhe, Longfoirt agus Mhaigh Eo in 2023, a bhí ar an líon is airde cruinnithe dá leithéid i mbliain féilire go dtí seo.

Ón 31 Nollaig 2023, tá 26 tuarascáil aonair curtha ar fáil ar gach ceann de na húdaráis áitiúla. Chríochnaigh sé seo cruinnithe Chéim 1 ar fad mar chuid den phróiseas reatha. Beidh CNFI ag leanúint leis an bpróiseas seo in 2024.

Tá miontuairiscí na gcruinnithe go léir agus aon chur i láthair agus na tuarascálacha ar fáil ar shuíomh gréasáin an CNFI, [www.noac.ie](http://www.noac.ie).

Tugann an Próiseas Grinnscrúdaithe deis do CNFI maoirseacht a dhéanamh ar na húdaráis áitiúla go léir agus breithniú a dhéanamh ar na fachtóirí a éascaíonn dóibh feidhmiú go maith, mar aon leis na dúshláin a d'fhéadfadh a bheith ann a bhaineann le húdarás áitiúil aonair. Cuireann na cruinnithe ar chumas na n-údarás áitiúil a réimsí feidhmíochta láidre agus laga a leagan amach agus ceadaíonn siad scrúdú breise a dhéanamh ar thorthaí



Ó chlé go deas: Brendan Jennings (Comhairle Contae an Chabháin), Margaret McNally (Comhairle Contae an Chabháin), Paddy Connaughton (Comhairle Contae an Chabháin), Eoin Doyle (Príomhfheidhmeannach sealadach, Comhairle Contae an Chabháin), Tommy Ryan (Príomhfheidhmeannach ag an am, Comhairle Contae an Chabháin), Michael McCarthy (Cathaoirleach CNFI), Declan Breathnach (ball CNFI), Noel Harrington (ball CNFI)

na dtáscairí feidhmíochta, chomh maith le foinsí eile sonraí, agus taispeánann siad na torthaí seo i gcomhthéacs.

Ligeann an rannpháirtíocht do CNFI réimsí tearcfheidhmíochta a aibhsiú agus réimsí ardfheidhmíochta a mharcáil freisin. Is féidir é seo a scrúdú tuilleadh agus is féidir eiseamláirí dea-chleachtais a aithint agus a úsáid chun iad a roinnt le húdarais áitiúla eile agus b'fhéidir go gcuirfí béim orthu i Seimineár Bliantúil Dea-Chleachtais i Rialtas Áitiúil an CNFI.

Chuir na cruinnithe thuasluaite ar chumas CNFI na tosaíochtaí éagsúla a mheas gach údarás áitiúil a bheith ábhartha dá saoránaigh a fheiceáil, conas a sháraigh siad na dúshláin éagsúla agus conas a oibríonn siad i gcomhar le húdarais áitiúla eile, le comhlachtaí stáit agus le páirtithe leasmhara.

In 2023, áiríodh ar na tuarascálacha grinnscrúdaithe a foilsíodh:

- ▶ Tuarascáil Ghrinnscrúdaithe Chomhairle Contae an Chabháin
- ▶ Tuarascáil Ghrinnscrúdaithe Chomhairle Cathrach Bhaile Átha Cliath
- ▶ Tuarascáil Ghrinnscrúdaithe Chomhairle Chontae na Gaillimhe
- ▶ Tuarascáil Ghrinnscrúdaithe Chomhairle Contae Mhaigh Eo
- ▶ Tuarascáil Ghrinnscrúdaithe Chomhairle Contae an Longfoirt

# Buaicphointí Thuarascálacha & Imeachtaí CNFI in 2023


Sheachaid CNFI líon suntasach príomhthuarascálacha a fhoilsiú le linn 2023, atá liostaithe thíos. Tá na tuarascálacha seo, mar atá gach tuairisc CNFI, ar fáil ag [www.noac.ie](http://www.noac.ie).

## Tuarascálacha CNFI arna bhfoilsiú le linn 2022

| Ainm   | Uimhir na Tuarascála | Dáta foilsithe        |
|--|----------------------|-----------------------|
| Tuarascáil Ghrinnscrúdaithe Chomhairle Cathrach Bhaile Átha Cliath | 55                   | Márta 2023            |
| Tuarascáil Ghrinnscrúdaithe Chomhairle Contae an Chabháin          | 56                   | Bealtaine 2023        |
| Tuarascáil ar an gCód Caiteachais Phoiblí 2022                     | 57                   | Meán Fómhair 2023     |
| Tuarascáil ar an Táscaire Feidhmíochta 2022                        | 58                   | Meán Fómhair 2023     |
| Tuarascáil Ghrinnscrúdaithe Chomhairle Contae Mhaigh Eo            | 59                   | Deireadh Fómhair 2023 |
| Tuarascáil Ghrinnscrúdaithe Chomhairle an Longfoirt                | 60                   | Deireadh Fómhair 2023 |
| Tuarascáil Ghrinnscrúdaithe Chomhairle Chontae na Gaillimhe        | 61                   | Nollaig 2023          |

Sheachaid CNFI líon suntasach príomhthuarascálacha a fhoilsiú le linn 2023.





## Tuarascáil ar Tháscairí Feidhmíochta na nÚdarás Áitiúil 2022:

### Tuarascáil Uimh 58

D'fhoilsigh CNFI a naoú Tuarascáil Bhliantúil ar Tháscairí Feidhmíochta i Meán Fómhair 2023. Tá forbairt tagtha ar an tuarascáil ó foilsíodh den chéad uair í in 2014 agus, i mbliana, thuairiscigh CNFI ar 44 táscaire faoi 11 cheannteideal.

Cumasaíonn na sonraí ilchodacha treochtaí a aithint thar ilseirbhísí agus tugann sé léargas ar chumas na hearnála freagairt do bheartais atá ag teacht chun cinn agus/nó d'éigeandálaí náisiúnta.

Agus an tuarascáil á foilsiú aige, chomhlíon CNFI a fheidhm maidir le grinnscrúdú a dhéanamh ar fheidhmíocht údarás áitiúil i gcoinne táscairí ábhartha.

Le rochtain ar chomhlacht chomh fairsing sin de shonraí agus d'fhaisnéis bunaithe ar fheidhmíocht atá sa Tuarascáil ar Tháscaire Feidhmíochta, is féidir le húdarás áitiúla na torthaí a úsáid chun a bpróisis a chuíchóiriú nuair is gá, monatóireacht níos cruinne a dhéanamh ar réimsí éagsúla feidhmíochta agus tuiscint a fháil ar a dtorthaí ar leibhéal níos doimhne, níos aonair chun próiseas feabhsúcháin leanúnaigh a chumasú.

Ní hamháin go gcuireann an t-eolas seo ar chumas na n-údarás áitiúil a gcuid feidhmíochta a rianú le himeacht ama, cuidíonn sé leo a bhfeidhmíocht a chur i gcomparáid le húdarás áitiúla eile a bhfuil próifíl agus méid comhchosúil acu. i dtéarmaí praiticiúla, úsáideann údarás áitiúla an t-eolas chun feabhas a chur ar na seirbhísí a chuireann siad ar fáil do phobail ina gceantair. Ós rud é go bhfuil an t-eolas ar fáil go poiblí, is féidir leis an bpobal údarás áitiúla a chur i gcuntas maidir lena bhfuil á bhaint amach ar a son.

Is bealach úsáideach é fianaise ar dhea-ghnás agus aistriú foghlama don CNFI chun dea-ghnás a spreagadh agus a chur chun cinn agus is féidir go leor den fhaisnéis a bhailítear a úsáid mar chuid den Phróiseas Grinnscrúdaithe agus den Seimineár bliantúil ar Dhea-Ghnás sa Rialtas Áitiúil. Mar an gcéanna, tá an fhaisnéis atá sa tuarascáil ábhartha do na Ranna Rialtais éagsúla a oibríonn le húdarás áitiúla, agus leis an bpobal i gcoitinne, a mbíonn tionchar ag caighdeán an tseachadta seirbhíse údarás áitiúil orthu.

I dtuarascáil 2022, cuireadh dhá tháscaire nua i réimsí an Athraithe Aeráide agus na Forbartha Eacnamaíochta san áireamh den chéad uair.

### An Próiseas do Thuarascáil 2022

Chun tacú le tiomsú thuarascáil 2022, d'óstáil CNFI ceardlann faisnéise do Chomhordaitheoirí Sonraí na nÚdarás Áitiúil ar an 8 Márta 2023.

Tar éis na ceardlainne, d'oibrigh na Comhordaitheoirí Sonraí lena gcomhghleacaithe chun na sonraí a chomhordú de réir na modheolaíochta atá leagtha amach sna Treoirilínte.

Ina dhiaidh sin, cuireadh na sonraí ar fáil trí chóras TF Tuairisceáin LG agus ba é an 21 Aibreán 2023 an scoithdháta.

Rinne CNFI na sonraí a bhailíochtú agus a iniúchadh sular ullmhaíodh an Tuarascáil. Mar chuid den phróiseas seo, rinneadh cuairteanna bailíochtaithe i sé údarás áitiúla. Bhí an próiseas bailíochtaithe comhsheasmhach i ngach ceann de na sé údarás áitiúil maidir leis an gclár oibre, formáid cruinnithe agus ceisteanna.

Tugadh isteach athrú suntasach i rith na bliana tríd an athbhreithniú bonnlíne ar an gCáin Mhaoine Áitiúil (CMÁ) a rinne grúpa athbhreithnithe ar a raibh ionadaithe ón CBCC, RTRÁO, RCPSPFNA, CRÁÉ agus CCÚÁ. Go bunúsach, cheangail an t-athbhreithniú céatadán de mhaoiniú CMÁ le spriocanna sonracha tithíochta náisiúnta agus aeráide a bhaint amach. Ba é an moladh sonrach go leithdháileann an tsamhail nua mhaoinithe ó 2024 ar aghaidh 7.5% den mhaoiniú iomlán bunaithe ar fheidhmíocht údaráis áitiúil i ndáil le dhá phríomhthosaíocht beartais náisiúnta:

- (1) 3.75% maidir le spriocanna tithíochta (bunaithe ar príomhtháscairí feidhmíochta tithíochta CNFI), agus
- (2) 3.75% maidir le spriocanna aeráide

Cé go dtabharfaidh CNFI tuairisc bhreise air seo sna blianta atá le teacht, is fiú a thabhairt faoi deara an nasc idir Táscairí Feidhmíochta agus maoiniú údaráis áitiúil toisc go neartaíonn sé ról maoirseachta CNFIanna agus go leagann sé béim ar an míbhuntáiste d'údaráis áitiúla, má theipeann orthu spriocanna atá leagtha síos go náisiúnta a bhaint amach.

## Táscairí Feidhmíochta Bailíochtaithe in 2023 do Thuarascáil 2022

| Uimh. | Táscaire | Teideal                                    |
|-------|----------|--|
| 1     | H2       | Folúntais Tithíochta                       |
| 2     | R1       | Rátáil Innéacs Bail Dromchla Cosáin (IBDC) |
| 3     | E7       | Athrú Aeráide                              |
| 4     | C2       | Saoire Bhreiteachta                        |
| 5     | M2       | Rátaí Bailithe Ioncaim                     |
| 6     | J5       | Caiteachas ar Fhorbairt Eacnamaíoch        |

## Údaráis Áitiúla Bailíochtaithe in 2023 do Thuarascáil 2022


| Uimh. | Údarás Áitiúil                          | Dáta              |
|-------|---|-------------------|
| 1     | Comhairle Contae Fhine Gall             | 19 Meitheamh 2023 |
| 2     | Comhairle Contae Chill Dara             | 20 Meitheamh 2023 |
| 3     | Comhairle Contae Shligigh               | 23 Meitheamh 2023 |
| 4     | Comhairle Contae Mhuineacháin           | 4 Iúil 2023       |
| 5     | Comhairle Cathrach agus Contae Luimnigh | 14 Iúil 2023      |
| 6     | Comhairle Cathrach na Gaillimhe         | 17 Iúil 2023      |



## Anailís Treochtaí Táscairí Feidhmíochta

Chuir an naoú Tuarascáil Táscaire Feidhmíochta CNFI, a foilsíodh i Meán Fómhair 2023, ar chumas treochtaí a aithint agus a anailísiú thar ilseirbhísí san earnáil rialtais áitiúil. Cuidíonn tomhas na dtorthaí agus na dtreochtaí le feidhmíocht an údaráis aonair a rianú agus léargas a thabhairt ar threochtaí a d'fhéadfadh a léiriú go bhfuil gá le beartais nua nó leasaithe. Soláthraíonn anailís treochtaí sonraí chun críocha comparáideacha agus cuidíonn sé deiseanna atá ag teacht chun cinn a aithint, rioscaí a mhaolú, agus leithdháileadh acmhainní a bharrfheabhsú bunaithe ar threochtaí sonraí stairiúla.

### Áirítear iad seo a leanas ar roinnt treochtaí suntasacha ó Thuarascáil PI 2022:




### H5 (B): Líon na dteaghaisí ar cíos a ndearnadh iniúchadh orthu

Sa tréimhse 2020 go 2022, tháinig méadú suntasach os cionn 79% ar líon na dteaghaisí a ndearnadh cigireacht orthu. Is forbairt dhearfach é sin agus táthar ag súil go leanfaidh an treocht seo ag fás tuilleadh.


### H5 (B): Líon na dteaghaisí ar cíos a ndearnadh iniúchadh orthu

| Bliain             | 2020   | 2021   | 2022   |
|--------------------|--------|--------|--------|
| Líon na dteaghaisí | 22,445 | 17,594 | 40,282 |



## L1: Cuairteanna leabharlainne


Tháinig méadú ar mheánlíon na gcuairteanna leabharlainne in aghaidh an duine den daonra in 2022 ag 2.09, méadú ó 0.86 in 2021 agus 1.05 in 2020. Is forbairt dhearfach é seo ón treocht anuas i gcuairteanna leabharlainne in aghaidh an duine daonra ó 2014 i leith.



Tá sé léirithe ag sonraí comhiomlána thar na blianta go bhfuil dul chun cinn soiléir aitheanta san fheidhm airgeadais le feabhas suntasach ar bhailiú ioncaim agus ar iarmhéideanna creidmheasa.

## MI (A to E): Iarmhéid barrachais/easnaimh carnach sa Chuntas Ioncaim ón Ráiteas Cuntas Ioncaim agus Caiteachais den Ráiteas Airgeadais Bliantúil (€)

| 2016        | 2017        | 2018        | 2019        | 2020        | 2021        | 2022        |
|-------------|-------------|-------------|-------------|-------------|-------------|-------------|
| €29,240,149 | €30,256,406 | €36,800,117 | €45,615,930 | €77,873,206 | €77,384,906 | €87,901,252 |



# Áirítear iad seo a leanas na bpríomhphointí ó Thuarascáil 2022:

Faoi Nollaig 2022, bhí **146,438** aonad tithíochta sóisialta faoi úinéireacht údaráis áitiúla agus chuir siad 3,862 aonad leis an stoc tithíochta sóisialta in 2022.



Bhí laghdú ar fholúntais tithíochta sóisialta go 3.03% in 2022 (3.16% in 2021).

## 40,282

Tá méadú tagtha ar líon na gcigireachtaí ar cíos príobháideach ó 17,594 in 2021 go 40,282 in 2022, méadú de bhreis is 129%.



Mhéadaigh an meán-am athchíosa náisiúnta in 2022 go 35.22 seachtain ó **34.44 seachtain** in 2021.

Ba é an meánchostas ligin in 2022 ná **€21,886.04**, i gcomparáid le €19,653.39 in 2021.

Rinneadh **81.1%** d'ídribhearta mótarchánach in 2022 ar líne, laghdú ó 86.18% in 2021.

**Maidir le huisce**, d'ardaigh meánchéatadán náisiúnta na scéimeanna cláraithe a ndearnadh monatóireacht orthu ó 79.87% in 2021 go 83.05% in 2022. Méadaigh líon na n-údarás áitiúil ina ndearnadh monatóireacht ar 100% de na scéimeanna cláraithe ó naoi gcinn in 2021 go 17 in 2022.

Rinneadh **71,185** gearán truailithe le húdaráis áitiúla in 2022, laghdú ó 81,551 in 2021.

Tugadh **10,687,986** cuairt ar leabharlanna in 2022, d'eisigh 13,899,201 mír d'iasachtaithe agus b'ionann líon na gcomhaltaí cláraithe agus 730,541, méadú 77% ar fhiigiúirí 2021.

**Mhéadaigh an fiormheán náisiúnta rannpháirtíochta i scéim Chomhairle na nÓg beagán go 64.7% in 2022, ó 63.25% in 2021, agus tháinig méadú faoi ocht gcinn in 2022 go 471 ar líon na scoileanna a raibh ionadaíocht acu ag CGB Chomhairle na nÓg. Ba é 17,875 líon na n-eagraíochtaí ar an gclár contae don Líonra Rannpháirtíochta Poiblí (LRP) ag deireadh 2022, méadú 326 ar fhiigiúr 2021.**



Bhí **30,599** duine ag obair sa rialtas áitiúil in 2022, méadú ó 30,174 duine in 2021.

Tugadh breis agus

**69,946,040**

cuairt ar láithreáin ghréasáin na n-údarás áitiúil in 2022. Tháinig méadú 8.2% go 4.8 milliún in 2022 ar an líon a lean údaráis áitiúla trí na meáin shóisialta.



**Mhéadaigh céatadán na laethanta oibre íoctha a cailleadh mar gheall ar shaoire deimhnithe leighis idir 2021 agus 2022 ó 2.89% go 3.58%.**

**Tháinig laghdú 33.4% ar líon na n-achomharc pleanála chuig an mBord Pleanála ó 2021 go 2022.**



Tháinig laghdú ar easnaimh sna cuntais ioncaim, agus b'ionann na hiarmhéideanna creidmheasa foriomlána ar chuntais ioncaim údaráis áitiúil in 2022 agus

**€89,901,252.**

## Seimineár ar Dea-Ghnás 2023

**D'óstáil CNFI a séú seimineár ar Dea-Ghnás sa Rialtas Áitiúil, ar an 26 Deireadh Fómhair 2023 i gCaisleán Chill Chainnigh.**

D'óstáil CNFI a séú Seimineár ar Dea-Ghnás i Rialtas Áitiúil, i gcomhar le GBRÁ agus CBCC, ar 26 Deireadh Fómhair 2023 i gCaisleán Chill Chainnigh. Reáchtáladh an imeacht seo mar chuid de Sheachtain Athraithe na Seirbhíse Poiblí RCPSPFNAanna.

Is príomhimeacht é an seimineár seo toisc go dtugann sé deis do CNFI, d'údaráis áitiúla agus do pháirtithe leasmhara eile bualadh le chéile, cur i láthair agus plé a dhéanamh ar réimsí agus ar thionscadail dea-ghnás ar féidir leo saol na ndaoine ina bpobail a fheabhsú. Ceadaíonn sé dóibh tionscadail eiseamláireacha a shaináithint, a d'fhéadfaí a chur chun feidhme i réimsí eile den earnáil rialtais áitiúil.

D'oscail an tAire Tithíochta, Rialtais Áitiúil agus Oidhreachta, Darragh O'Brien T.D. an Seimineár, agus d'fhreastail príomhfheidhmeannaigh na n-údarás áitiúil, pearsanra rialtais áitiúil, oifigigh ón RTRÁO, ionadaithe tofa ó na 31 údarás áitiúil agus páirtithe leasmhara eile.

Ócáid hibrideach a bhí san imeacht, go pearsanta agus ar líne, mar a bhí in 2021 agus 2022. Léirigh sé raon de nuálaíochtaí agus dea-chleachtas na n-údarás áitiúil thar réimsí casta suimiúla mar úsáid teicneolaíochtaí glasa, údaráis áitiúla ag síneadh amach chuig pobail, forbairt geilleagair áitiúla agus oideachas.

Ina theannta sin, d'athraigh formáid an tSeimineáir ó bhlianta roimhe seo nuair a baineadh úsáid rathúil as éascaitheoir imeachta agus tugadh isteach díospóireachtaí painéil ar na tionscadail agus na dúshláin éagsúla atá roimh earnáil an rialtais áitiúil. I measc na bpainéal bhí ionadaithe ó fud na hearnála rialtais áitiúil, CNMI agus RCPSPFNA.



Ó chlé go deas: Noel Harrington (comhalta CNFI), Miriam McDonald (comhalta CNFI), an tAire Tithíochta, Rialtais Áitiúil agus Oidhreachta, Darragh O'Brien T.D., Michael McCarthy (Cathaoirleach CNFI), Ciarán Hayes (comhalta CNFI)



### Comhairle Contae Chill Mhantáin

tugadh cur i láthair ar shuiteáil na ngluaisteán painéil ghréine ag Fairgnimh an Chontae i gCill Mhantáin. Is sampla iontach é an tionscadal seo d'úsáid a bhaint as láithreáin atá ann cheana, ar nós carrchlóis, chun fuinneamh in-athnuaite a ghiniúint agus chun cabhrú le spriocanna Athrú Aeráide a bhaint amach. Ceann de na príomhbhacainní ar thionscadail éifeachtúlachta fuinnimh agus in-athnuaite ar mhórskála a sholáthar ná airgeadas. Chun an tsaincheist seo a shárú thairg Comhairle Chill Mhantáin dearadh, tógáil, airgeadas, cothabháil agus oibriú nuálaíoch chun eagar gréine PV 300kW a sholáthar chun freastal ar 40% d'éileamh bonnuaigh Fhoirgneamh an Chontae. Chinntigh sé sin nach raibh aon chostas caipitil ar an údarás áitiúil agus, mar chúiteamh, d'aontaigh an Chomhairle ráta aonaid seasta a íoc ar an bhfuinneamh go léir a tháirgeann an t-eagar gréine ar feadh tréimhse 20 bliain. Ag am an chur i láthair, bhí an ráta seo thart ar an tríú cuid de chostas leictreachais ón eangach. Is é an tionscadal seo an tsuiteáil carrfort gréine is mó in Éirinn.

### Tá os cionn 18 mí tosaithe ag Comhairle Cathrach Bhaile Átha Cliath

ar dhá thionscnamh earcaíochta ar leith a mheallann fostaithe nua isteach ina lucht saothair oibriúcháin. Dhírigh siad seo ar dheiseanna a mhéadú do shaoránaigh a bhfuil cónaí orthu i gceantair a bhfuil dúshláin shocheacnamaíocha rompu trí fheachtais earcaíochta spriocdhírthe agus clár oiliúna a fhorbairt. Tugadh faoi chur chuige comhoibríoch agus cabhrach idir Acmhainní Daonna agus ranna oibriúcháin Chomhairle Cathrach Bhaile Átha Cliath agus raon páirtithe leasmhara áitiúla as ar éirigh leo feachtais earcaíochta áitiúla rathúla agus clár oiliúna sainiúil don údarás áitiúil a sheachadadh. Thug na tionscnaimh seo deis do Chomhairle Cathrach Bhaile Átha Cliath caidreamh dearfach a chothú le seirbhísí áitiúla oideachais agus fostaíochta agus comhpháirtíochtaí reatha le pobail áitiúla a neartú. Is é toradh na dtionscnamh ná earcú rathúil níos mó ná 100 fostaí nua i bhfórsa saothair oibriúcháin Chomhairle Cathrach Bhaile Átha Cliath agus bunú clár oiliúna soiléir a sholáthróidh bealach nua fostaíochta isteach in earnáil na nÚdarás Áitiúil.

## Comhairle Contae Chiarraí

tugadh cur i láthair ar an gcaoi a bhfuil tacaíocht shuntasach curtha ar fáil ag údaráis áitiúla agus iad ag freagairt do riachtanais lóistín agus eile na ndaoine a tháinig ón Úcráin, áit ar athchóiríodh an Fóram Freagartha Pobail i gCiarraí, faoi mhaoirseacht Chomhairle Contae Chiarraí, mar chuid de chreat rialachais ardleibhéil, chun comhoibriú éifeachtach trasearnála a chinntiú. Mar thoradh air sin bunaíodh struchtúir rialachais réamhghníomhacha, ag freagairt go comhsheasmhach do chásanna fíorshaoil, agus ag cur comhtháthú chun cinn trí thionscnaimh freagartha a fhorbairt do bhreis is 8,000 tairbhíthe cosanta sealadaí (TCS) ar fud an Chontae. Cuireann an cur chuige comhoibrioch agus na struchtúir reatha a thacaíonn leis an bhFóram Freagartha Pobail i gCiarraí ar chumas foirne trasearnála dinimiciúla seachadadh a dhéanamh ar an talamh. Bhí na foirne freagartha ceantair áitiúil, mar shampla, ina nasc ríthábhachtach le seirbhísí líne tosaigh agus tá réitigh nuálacha forbartha ag an bhfoireann chomhordaithe contae mar fhreagra ar inní ardaithe a ardaíodh ag leibhéal áitiúil ar nós Treoir Céim ar Chéim a fhorbairt do Dhídeanaithe ón Úcráin, Treoir um Maireachtáil Neamhspleách, Treoir ar Rialacha Tí do Sholáthraithe Cóiríochta agus Cónaitheoirí, agus treoir faisnéise chun muintir na hÚcráine a chur ar an eolas faoi na córais agus na tacaíochtaí atá ann nuair a fhaigheann duine bás.

## Thug Comhairle Contae na Gaillimhe

cur i láthair ar obair Ghrúpa Stiúrtha Tithíochta Míchumais Chomhairle Chontae na Gaillimhe a cuireadh ar bun mar chuid dá bPlean Straitéiseach um Thithíocht do Dhaoine faoi Mhíchumas 2021-2026. Laistigh den Ghrúpa Stiúrtha sin, bunaíodh roinnt foghrúpaí chun breathnú go sonrach ar chásanna faoi gach catagóir míchumais. Go sonrach, tá an foghrúpa Meabhairshláinte dírithe ar an duine, ceadaíonn sé plé ar chásanna agus dul chun cinn ar chásanna casta agus ar chliaint leochaileacha nach gcuirfí cóiríocht ar fáil murach sin. Is cur chuige comhpháirtíochta é idir an t-údarás áitiúil agus FSS chun cliaint fhrithpháirteacha a chur chun cinn. Cuireann sé conair cumarsáide ar fáil agus, do chliaint a bhfuil riachtanais bhreise acu, chun dul ar aghaidh chuig a dtionóntachtaí féin. Ba iad na torthaí:

- ▶ Rochtain do dhaoine aonair ar thionóntachtaí atá beartaithe agus tacaíochtaí i bhfeidhm.
- ▶ Tithíocht ardchaighdeáin d'iaratasóirí leochaileacha – 'Tithíocht do Chách'.
- ▶ Cuimsiú i mbeartas.
- ▶ Cosc a chur ar dhaoine a bheith fite fuaite i suíomhanna institiúideacha agus cónaithe fadtéarmach, atá mí-oiriúnach, costasach agus míchuí do riachtanais na ndaoine.

Is é obair an fhoghrúpa Meabhairshláinte ná Comhionannas & Cearta Daonna sa tSeirbhís Phoiblí go praiticiúil.

**Thug Comhairle Chontae an Longfoirt cuntas ar an gcaoi a bhfuil súil acu, i gcomhpháirtíocht le scoileanna agus le lucht tionscail, todhchaí an Longfoirt a mhúnlú tríd an teicneolaíocht agus é a thabhairt isteach i mbunscoileanna agus i meánscoileanna. Tri straitéis dhigiteach na Comhairle, tá súil ag Longfort ardán a chruthú a fhágfaidh go mbeidh an Ríomheolaíocht ina rogha Ardteistiméireachta i ngach meánscoil sa chontae. Cabhróidh páistí an Longfoirt a bhainfidh tairbhe as an tionscadal le geilleagar an Longfoirt a bhrú chun cinn sna blianta amach romhainn, agus trí oibriú le bunscoileanna agus iar-bhunscoileanna, i gcomhpháirtíocht le tionscal, tá súil ag Comhairle Contae an Longfoirt cuidiú leis an bpoitéinseal digiteach a fhorbairt ina leanaí do phoist, dúshláin agus na deiseanna a bheidh ann amach anseo i gcontae a mbeidh fonn orthu na buntáistí a bhaineann leis an bPlean Náisiúnta Leathanbhanda a bhaint amach.**

**Thug Comhairle Contae Chorcaí cur i láthair ar an iarracht atá déanta acu uirlis mhargaíochta a chruthú a chuideodh le hearnáil na turasóireachta den gheilleagar, go háirithe i ndiaidh na ndúshlán a bhí le sárú le linn na paindéime Covid-19. Agus aird ar an tábhacht a bhaineann le digitiú na hearnála a chur chun cinn, forbraíodh léarscáil turasóireachta CFG in 2020 ag baint úsáide as acmhainní inmheánacha. Mar gheall ar rathúlacht na léarscáile, d'fhorbair Comhairle Contae Chorcaí an aip 'Explore Cork' in 2021, aip turasóireachta aon ionaid ina bhfuil breis agus 850 áit le feiceáil agus rudaí le déanamh: an chéad cheann dá leithéid atá forbartha ag aon Údarás Áitiúil in Éirinn. Tionscnamh comhoibríoch inmheánach a bhí sa tionscadal idir na Stiúrthóireachtaí ábhartha, ag léiriú dea-chleachtas. D'oibrigh Comhairle Contae Chorcaí leis an tairgeoir rathúil, chun an aip a fhorbairt, chomh maith le hidirchaidreamh a dhéanamh leis na páirtithe leasmhara ábhartha. Bhuaigh an aip gradam LAMA don 'Tionscnamh Turasóireachta is Fearr' in 2023.**

Rinne **GBRÁ** cur i láthair ar "Rialtas Digiteach Áitiúil: Ag Obair do Chách", Straitéis Dhigiteach agus TFC Rialtais Áitiúil nua na hÉireann, go sonrach mar shampla de dhea-ghnas straitéis a chruthú. Tá sé mar aidhm ag an straitéis féin úsáid a bhaint as digiteach agus TFC chun feabhas a chur ar an mbealach a oibríonn agus a sheachadann rialtas áitiúil seirbhísí. Tugadh faoi phróiseas fairsing rannpháirtíochta le linn fhorbairt na straitéise. I measc na bpáirtithe leasmhara a ndeachthas i gcomhairle leo bhí baill den phobal, baill foirne, daoine faoi mhíchumas, daoine scothaosta, daoine ó phobail mhionlaigh, Comhairleoirí, agus dioltóirí teicneolaíochta. Cuimsíonn an straitéis ceithre chroíthéama – Córais Dhigiteacha, Pobail Dhigiteacha, Lucht Oibre Digiteach agus Córais Dhigiteacha. Is éard atá iontu seo ná ráitis rúin a chuireann uailmhianta i láthair agus cad a bhainfear amach le linn na straitéise. Tá plean forfheidhmithe straitéise forbartha a leagann amach 73 gníomh a chumasóidh an straitéis a sheachadadh. Déanfar athbhreithniú ar an bplean ar bhonn bliantúil lena chinntiú go mbeidh sé ábhartha i gcónaí agus go bhfuil sé á sheachadadh de réir mar is gá.

**Tá gach cur i láthair, lena n-áirítear físeáin agus sleamhnáin ar fáil ar ár suíomh gréasáin CNFI**  
[www.noac.ie](http://www.noac.ie)



*Ó chlé go deas: Michael McCarthy (Cathaoirleach CNFI), Marianne Cassidy (An Roinn Caiteachais Phoiblí, Sheachadadh PFN agus Athchóirithe), Frank Curran (Cathaoirleach CBCC ag an am agus Príomhfheidhmeannach, Comhairle Contae Dhún Laoghaire-Ráth an Dúin)*





## Tuarascáil ar an gCód Caiteachais Phoiblí 2022:

### Tuarascáil Uimh 57

Ba é RCPSPFNA a d'fhorbair an Cód Caiteachais Phoiblí agus baineann sé le gach comhlacht poiblí a bhfuil cistí poiblí á bhfáil aige. Tá dualgas ar gach comhlacht poiblí in Éirinn caitheamh go cúramach le cistí poiblí agus a chinntiú go bhfaightear an luach is fearr ar airgead aon uair a bhíonn airgead poiblí á chaitheamh nó á infheistiú.

Toisc go dtagann maoiniú údarás áitiúil ó roinnt foinsí, lena n-áirítear deontais ó roinnt Ranna Rialtais, socraíodh gur cheart go mbeadh Príomhfheidhmeannaigh na n-údarás áitiúil aonair freagrach as na ceanglais um dhearbhu cáilíochta a chomhlíonadh agus gur cheart a dtuarascálacha a chur isteach chuig CNFI lena n-ionchorprú i dtuarascáil ilchodach don eanáil rialtais áitiúil.

Mar chuid den phróiseas, d'eisigh CNFI litir an 10 Márta 2023 chuig Príomhfheidhmeannaigh na n-údarás áitiúil éagsúil agus d'iarr siad go gcuirfí isteach Tuarascálacha um Dhearbhu Cáilíochta 2022 dá n-údarás áitiúil faoi seach faoin gCéadaoin 31 Bealtaine 2023.



As na 31 údarás áitiúil, chuir 26 a dtuarascálacha isteach faoin spriocdháta, agus fuarthas an tuarascáil deiridh ar an 21 Lúnasa 2023. Tá na cúig chéim seo a leanas sa cheanglas tuairiscithe um Dhearbhú Cáilíochta:



- 1** Ba cheart d'údaráis áitiúla fardal de thionscadail/cláir a dhréachtú ag na céimeanna éagsúla de Shaolré an Tionscadail, maidir le gach tionscadal caiteachais caipitil agus reatha ar luach níos mó ná €0.5m.



- 2** Deimhnigh foilsiú faisnéise achomair ar shuíomh gréasáin an údaráis áitiúil ar gach soláthar os cionn €10m a bhaineann le tionscadail atá ar bun nó a críochnaíodh sa bhliain faoi athbhreithniú agus cuir nasc chuig an tsuíomh gréasáin ábhartha ar fáil.



- 3** Comhlánaigh na seacht seicliosta sonraithe. Ní theastaíonn ach seicliosta amháin de gach cineál in aghaidh an údaráis áitiúil agus ní gá ceann amháin do gach tionscadal/clár. Bunófar comhlánú na seicliostaí ar shampla cuí de na tionscadail/réimsí caiteachais a bhaineann leis an seicliosta sin.



- 4** Athbhreithniú níos doimhne a dhéanamh ar thionscadail/chláir roghnaithe ionas go mbeidh gach céim de shaolré an tionscadail agus gach scála tionscadail faoi réir scrúdú níos géire thar thréimhse 3-5 bliana. Ní mór gurbh ionann tionscadail ioncaim a roghnaítear le haghaidh athbhreithniú domhain agus íosmhéid de 1% de luach iomlán na dtionscadal ioncaim go léir san fhardal, agus is é an ceanglas maidir le tionscadail chaipitil ná 5% de luach iomlán na dtionscadal caipitiúil go léir san fhardal.



- 5** Críochnaigh tuarascáil achomair gearr ina mbeidh an fardal, tagairt soláthair agus seicliostaí dá dtagraítear i gcéimeanna 1 go 3 agus breithiúnas an údaráis áitiúil maidir le leordhóthanacht na hoibre breithmheasa/pleanála, cur i bhfeidhm nó athbhreithnithe a scrúdaigh sé mar chuid de chéim 4. Tá gá freisin leis na fáthanna ar thug sé an breithiúnas sin agus a mholtáí chun aon easnamh a aimsíodh le linn an phróisis um dhearbhu cáilíochta ar fad a leigheas.

Dheimhnigh Príomhfheidhmeannaigh 28 Tuarascáil um Dhearbhú Cáilíochta agus dheimhnigh Príomhfheidhmeannaigh Gníomhacha/Eatramhach trí Thuarascáil um Dhearbhú Cáilíochta. Éilíonn an Cód go bhfoilseofar na tuarascálacha um Dhearbhú Cáilíochta ar shuíomh gréasáin na heagraíochta.

Thiomsaigh agus d'fhoilsigh an grúpa oibre an naoú tuarascáil ón gCód Caiteachais Phoiblí don earráil rialtais áitiúil ar an 20 Meán Fómhair 2023, a bhí i bhfad níos luaithe ná mar a bhí le blianta beaga anuas.

Ina theannta sin, mhéadaigh an grúpa oibre luach na Tuarascála do pháirtithe leasmhara agus scrúdaigh siad na sonraí a tuairiscíodh in Aguisín 5. Roinneadh toradh na hoibre seo le roinnt páirtithe leasmhara a measadh go bhféadfadh spéis a bheith acu sna sonraí.

# Ceardlann Choiste Iniúchóireachta CNFI

## D'óstáil CNFI a dhara Ceardlann do Chathaoirligh na gCoistí Iniúchóireachta sa Rialtas Áitiúil ar an 4 Deireadh Fómhair i bPort Laoise.

Bhailigh an Coimisiún Náisiúnta Maoirseachta agus Iniúchóireachta Cathaoirligh na gCoistí Iniúchóireachta ó údaráis áitiúla ar fad, ionadaithe ón Iniúchadh Inmheánach agus ón LGAS an 4 Deireadh Fómhair 2023 i bPort Laoise le haghaidh ceardlainne, inar cuireadh forbhreathnú ar obair CNFI ar fáil. Bhreithnigh an cheardlann freisin saincheistanna a bhaineann le hiniúchadh inmheánach agus plé ginearálta ar na dúshláin atá roimh choistí iniúchóireachta sa rialtas áitiúil.

Thug cur i láthair ar an lá forbhreathnú ar obair NOAC agus dhírigh sé ar Thuarascáil Táscaire Feidhmíochta 2022, an Cód Caiteachais Phoiblí, athbhreithnithe leanúnacha ar chur i bhfeidhm Phleananna Corparáideacha údaráis áitiúil agus Comhaontuithe Leibhéal Seirbhíse agus na réamhthorthaí ó Shuirbhé Ceistneoir Iniúchta Inmheánaigh an CNFI.

Rinneadh cur i láthair freisin ar thaithí Chomhairle Contae an Longfoirt maidir le hiniúchadh inmheánach agus líonraí iniúchadh inmheánach.

Chlúdaigh an chéad seisiún forbhreathnú suimiúil ar obair CNFI lena n-áirítear, ach gan a bheith teoranta, don Phróiseas Iniúchta, Tuarascáil Táscaire Feidhmíochta 2022 agus forbhreathnú ar Sheimineár Dea-Ghnás CNFI sa Rialtas Áitiúil. Ardaíodh roinnt topaicí le linn an tseisiúin seo, ar nós úsáideacht Thuarascáil Táscairí Feidhmíochta an CNFI d'údaráis áitiúla, go háirithe, conas a bhaineann údaráis áitiúla eolas aisti agus conas a thugann siad sonraí ar aghaidh chuig cruinnithe bainistíochta.

Chlúdaigh an dara seisiún obair leanúnach maidir le hAthbhreithniú CNFlanna ar Chur i bhFeidhm Phleananna Corparáideacha na nÚdarás Áitiúil agus athbhreithniú ar Chomhaontuithe Seirbhíse. Leag an seisiún béim freisin ar an ngá atá le forbairt bhreise a dhéanamh ar chearta an duine agus ar chomhionannas, mar chuid den chéad timthriall eile de Phleananna Corparáideacha.

Ina theannta sin, cuireadh forbhreathnú cuimsitheach ar Thuarascáil an Chóid Chaiteachais Phoiblí (CCP) i láthair chomh maith leis an modheolaíocht agus na torthaí sealadacha ó Shuirbhé Iniúchóireacht Inmheánaigh 2023 de chuid CNFlanna. Rinneadh plé bríomhar ina dhiaidh sin ar sholáthar foirne, gairmiúlacht na hearnála agus iniúchtaí CCSGP, an méid ama a thógann sé ar thuarascáil CPS a thiomsú, i measc ábhair eile.

Sa seisiún deiridh bhí cur i láthair ar Líonraí Iniúchóireacht Inmheánacha in Údaráis Áitiúla agus forbhreathnú ar thaithí Chomhairle Contae Longfoirt ar Iniúchadh Inmheánach. Chuimsigh an cur i láthair rialachas, dúshláin atá le sárú in aonaid Iniúchóireachta Inmheánaí agus taithí Chomhairle Contae an Longfoirt ó 2016 i leith a feidhm iniúchta inmheánaigh a athrú agus ina dhiaidh sin cuireadh i láthair é ar an Líonra Iniúchta Inmheánaigh Rialtais Áitiúil.

Deis iontach a bhí san imeacht do CNFI dul i dteagmháil le Coistí Iniúchóireachta na n-údarás áitiúil chomh maith le roinnt páirtithe leasmhara tábhachtacha san earnáil rialtais áitiúil agus taithí, dea-ghás agus eolas a roinnt.

# Rannpháirtíocht CNFI

Lean CNFI lena rannpháirtíocht láidir le páirtithe leasmhara in 2023 trí raon leathan fóram ar nós ceardlanna, cruinnithe pearsanta agus ar líne, chomh maith le freastal ar chomhdhálacha.

## **Cruinnithe le hionadaithe ón Roinn Comhshaoil, Aeráide agus Cumarsáide**

Bhuail Cathaoirleach an Ghrúpa Oibre um Tháscairí Feidhmíochta, mar aon le Cathaoirleach an Ghrúpa Oibre um Rialachas, Éifeachtúlacht agus Athchóiriú Rialtais Áitiúil le hionadaithe ón Roinn Comhshaoil, Aeráide agus Cumarsáide i mBealtaine 2023 chun ról maoirseachta CNFIanna i dtéarmaí údaráis áitiúil a phlé Pleananna Gníomhaíochta Aeráide, forbairt bhreise ar Tháscairí Feidhmíochta vis-à-vis saincheisteanna aeráide agus saincheisteanna a bhaineann le hathchóiriú an rialtais áitiúil.

Tionóladh cruinniú eile le hionadaithe ón RCAC i mí Dheireadh Fómhair 2023 le tuilleadh plé a dhéanamh ar Tháscairí Feidhmíochta a bhaineann leis an aeráid agus conas a d'fhéadfadh comhoibriú a bheith ann le páirtithe leasmhara eile ar nós an GBRÁ, CBCC agus RI chun na táscairí sin a fhorbairt.

## **Cruinniú le hionadaithe ón Roinn Comhshaoil, Aeráide agus Cumarsáide, an Roinn Iompar agus ón GBRÁ**

Bhuail Cathaoirleach an Ghrúpa Oibre um Tháscairí Feidhmíochta le hionadaithe ón RCAC, RI agus an GBRÁ i mí na Nollag 2023 chun plé a dhéanamh ar fhorbairt fhéideartha táscairí feidhmíochta a bhaineann leis an aeráid do Thuarascálacha Táscaire Feidhmíochta CNFI amach anseo.

Phléigh an cruinniú go háirithe ceanglais RCAC, RI agus earnáil an rialtais áitiúil i dtéarmaí Pleananna Gníomhaíochta Aeráide na n-údarás áitiúil, chomh maith le ceanglais den sórt sin a ionchorprú i dTuarascálacha Táscairí Feidhmíochta amach anseo.

## Cruinnithe le GBRÁ

Bhuail an Mheitheal um Shuirbhéireacht Chumarsáide agus Chustaiméirí le chéile leis an GBRÁ i mí Eanáir 2023 chun an Suirbhé bliantúil ar Chustaiméirí ar Rialtas Áitiúil a phlé. Thug an cruinniú seo agus rannpháirtíocht bhreise leis an GBRÁ deis do CNFI ionchur agus treoir a sholáthar do Shuirbhé 2023, go háirithe maidir le téamaí speisialta agus díospóireachtaí fócasghrúpaí a reáchtáiltear mar chuid den Suirbhé.

Bhí cruinniú eile ag CNFI leis an GBRÁ i mí na Nollag 2023, mar a luadh thuas, chun forbairt táscairí comhshaoil do Thuarascáil bhliantúil Táscaire Feidhmíochta CNFI a phlé, go háirithe i dtéarmaí na gceanglas méadaithe ar údarais áitiúla sa réimse seo.

## Cruinniú le hionadaithe ó Oifig an Rialtóra Pleanála

I mí na Samhna 2023, bhuail CNFI le hionadaithe ó Oifig an Rialtóra Pleanála chun Tuarascálacha Monatóireachta na gComhthionól Réigiúnacha ar Straitéisí Réigiúnacha Spásúlachta agus Eacnamaíochta a phlé. Go háirithe, bhí an cruinniú seo chun plé a dhéanamh ar Thuarascáil ar Phríomhthorthaí, arna hullmhú ag an ORP, ar iarratas ó CNFI agus chun na torthaí sin a phlé.

## Freastal ar Chomhchoiste an Oireachtais um Thithíocht, Rialtas Áitiúil agus Oidhreacht

I mí Eanáir 2023, d'fhreastail Cathaoirleach CNFI ar Chomhchoiste an Oireachtais um Thithíocht, Rialtas Áitiúil agus Oidhreacht chun Tuarascáil Táscaire Feidhmíochta CNFlanna 2021 agus a Thuarascáil ar an gCód Caiteachais Phoiblí 2021 a phlé. Rinneadh plé mionsonraithe maidir leis an dá thuarascáil, lena n-áirítear an próiseas a bhí i gceist, chomh maith le rannpháirtíocht CNFlanna le comhaltaí tofa, coistí iniúchta rialtais áitiúil, pleanáil chorparáideach, dea-ghás, saincheisteanna iomadúla mar thithíocht, cothabháil tithíochta, stoc tithíochta, easpa dídine agus folúntais. Rinne comhaltaí an JOC tagairt go sonrach d'ardchaighdeán na dtuarascálacha éagsúla CNFI go dtí seo.

## Cruinniú le rapóirtéirí ó Chomhairle na hEorpa

Bhuail Cathaoirleach CNFI le rapóirtéirí ó Chomhairle na hEorpa i dTeach an Chustaim ar an 5 Aibreán 2023 chun obair CNFI i ndáil leis an earnáil rialtais áitiúil in Éirinn a phlé chomh maith le saincheisteanna a bhaineann le hairgeadas, feidhmíocht, nósanna imeachta agus conclúidí CNFI san earnáil sin.



Ó chlé go deas: Ciarán Hayes (comhalta CNFI), Niall Quinn (iar-chomhalta CNFI), Kathleen Holohan (comhalta CNFI), Noel Harrington (comhalta CNFI), Margaret Lane (comhalta CNFI), Michael McCarthy (Cathaoirleach CNFI), Brian Cawley (comhalta CNFI), Declan Breathnach (comhalta CNFI), Fiona Quinn (comhalta CNFI agus Oifigeach an Aire)

Bhí an rannpháirtíocht an-dearfach agus chuidigh sí le Comhairle na hEorpa a tuarascáil a ullmhú ar an bhFaireachán ar chur i bhfeidhm na Cairte Eorpaí um Fhénrialtas Áitiúil in Éirinn, a foilsíodh i mí Dheireadh Fómhair 2023.

### **Freastal ar an gComhdháil Eorpach um Oiriúnú don Athrú Aeráide**

I mí an Mheithimh 2023, d'fhreastail Cathaoirleach CNFI ar an gComhdháil Eorpach um Oiriúnú don Athrú Aeráide i gCaisleán Bhaile Átha Cliath, a léirigh samplaí fiordhomhanda de bhearta oiriúnaithe maidir le heolaíocht den scoth agus taighde d'Eoraip atá athléimneach ó thaobh na haeráide de. Cheadaigh an t-imeacht deis foghlama den scoth ar shaincheist dhomhanda a bhfuil iarmhairtí tábhachtacha ag baint leis don rialtas áitiúil, go háirithe le forbairt Phleananna Gníomhaíochta Aeráide na n-údarás áitiúil.

### **Freastal ar Chomhdháil Tithíochta Sóisialta CÉTS 2023**

I mí Dheireadh Fómhair 2023, d'fhreastail Cathaoirleach CNFI ar Chomhdháil Náisiúnta um Thithíocht Shóisialta de chuid Chomhairle na hÉireann um Thithíocht Shóisialta i Loch Garman, a dhírigh ar shuíomh a dhéanamh agus ar ról na tithíochta sóisialta maidir le pobail bhríomhara a chruthú, comharsanachtaí uirbeacha agus tuaithe a athbheochan agus luach a chur leis trí dhearadh, bainistíocht, cuimsiú agus rannpháirtíocht nuálaíoch. Is dúshlán tábhachtach í an tithíocht atá os comhair údaráis áitiúla ar fud na hÉireann, agus thug an chomhdháil deis do roinnt nuálaíochtaí agus dea-ghnás a fhoghlaim chomh maith le cainteoirí ó níos faide i gcéin ag cur a dtaithe agus a bhfeidhm ar dhúshlán tithíochta na hÉireann i láthair.




# Acmhainní agus Caiteachas

Tugann Rúnaiócht tacaíocht do CNFI, le coibhéis lánaimseartha de sheisear. Cuireann an Roinn Tithíochta, Rialtais Áitiúil agus Oidhreacht an fhoireann ar fáil.

Tá CNFI maoinithe ón gCiste Rialtais Áitiúil agus b'ionann a leithdháileadh ón gCiste sin in 2023 agus €350,000.

## Caiteachas

Ba é caiteachas CNFI do 2023 ná €135,508.46 a tabháiódh mar seo a leanas;



Measann na comhaltaí gur léargas fírinneach cóir é an ráiteas caiteachais seo ar chaiteachas CNFI le linn 2023.

\* Is iad na táillí bliantúla atá iníoctha le comhaltaí CNFI, gan Oifigeach an Aire san áireamh, ná: Comhalta: €7,695, Cathaoirleach: €11,970.

\*\* Íoctar costais taistil agus chothaithe arna dtabhú ag rátaí caighdeánacha na státseirbhíse. Ba chóir a thabhairt faoi deara nár tabháiódh caiteachas taistil ach amháin le haghaidh taistil intíre, gan aon taisteal idirnáisiúnta déanta.

Nóta: Níor tabháiódh aon chostais ar fháilteachas le linn 2023.

# Aguisíní

## Aguisín 1:

### Téarmaí Tagartha CNFI

---

Bunaíodh CNFI faoin Acht um Athchóiriú Rialtais Áitiúil, 2014, le héifeacht ón 1 Iúil 2014. Tá réimeas rialachais chorparáidigh glactha ag CNFI i gcomhréir leis an dea-ghnás.

Is é cuspóir an doiciméid seo ná téarmaí tagartha CNFI a leagan amach. Tá na téarmaí tagartha seo, arna bhfaomhadh ag CNFI an 4 Iúil 2017, i bhfeidhm ón 1 Iúil 2017.

#### 1. Ballraíocht

Is é an tAire Tithíochta, Rialtais Áitiúil agus Oidhreacht a cheapfaidh comhaltaí CNFI de réir Alt 126H den Acht. Seisear comhaltaí ar a laghad a bheidh ar an gCoimisiún.

Nil de cheart ag ach comhaltaí CNFI freastal ar chruinnithe Boird. Féadfar cuireadh a thabhairt, áfach, d'fhoireann na rúnaíochta agus do dhaoine aonair eile freastal ar chruinniú iomlán nó ar chuid de chruinniú ar bith, de réir mar is cuí nó nuair is gá.

Is ar feadh tréimhse suas le 5 bliana a bheidh na ceapacháin chuig CNFI, agus féadfar an tréimhse sin a fhadú ar feadh tréimhse amháin eile suas le 5 bliana.

Nuair a bheidh an Cathaoirleach as láthair, aontóidh na comhaltaí eile a bheidh i láthair duine dá líon chun cathaoirleacht a dhéanamh ar an gcruinniú.

#### 2. Rúnaíocht CNFI

Cinntoidh rúnaíocht CNFI go bhfaighidh na comhaltaí eolas agus páipéir go tráthúil ionas gur féidir breithniú iomlán agus ceart a dhéanamh ar na saincheisteanna.

Tá an rúnaíocht freagrach freisin as ionduchtú foirmiúil comhaltaí nua CNFI agus as meantóireacht a eagrú do chomhaltaí nuair is gá.

#### 3. Córam

Is é ceathrar comhaltaí sa chóram is gá chun gnó a dhéanamh. Beidh cruinniú arna chomóradh go cuí de CNFI ag a mbeidh córam i láthair inniúil ar na húdaráis, na cumhachtaí agus na discríd go léir nó aon cheann díobh a fheidhmiú is infheidhmithe ag CNFI.

#### 4. Minicíocht na gCruinnithe

Tiocfaidh CNFI le chéile 8 n-uaire sa bhliain ar a laghad, agus de réir mar a éilítear a mhalairt.

#### 5. Fógra Cruinnithe

Déanfaidh an rúnaíocht cruinnithe CNFI a ghairm arna iarraidh ag an gCathaoirleach.

Más féidir in aon chor, cuirfear fógra faoi gach cruinniú ina ndeimhneofar an t-ionad, an t-am agus an dáta, mar aon le clár oibre de na míreanna a bheidh le plé, chuig na comhaltaí tráth nach déanaí ná dhá lá oibre roimh dháta an chruinnithe.

Seolfar páipéir thacaíochta chuig na comhaltaí ag an am céanna.



## 6. Miontuairiscí Cruinnithe

Scríobhfaidh an rúnaíocht miontuairisc ar imeachtaí, ar phléití agus ar chinntí chruinnithe uile CNFI, lena n-áirítear ainmneacha na ndaoine a bheidh i láthair a thaifeadadh.

Scaipfear miontuairiscí chruinnithe CNFI ar na comhaltaí go léir le faomhadh ag an gcéad chruinniú eile de chuid CNFI.

## 7. Dualgais

Is í an rúnaíocht a dhéanfaidh CNFI a reáchtáil ó lá go lá agus tabharfaidh sí tuairisc ar an obair de réir mar is iomchuí trí ríomhphost agus ag cruinnithe CNFI

Cuirfidh na comhaltaí comhairle agus tacaíocht ar fáil don rúnaíocht.

Deimhneoidh CNFI dó féin go bhfuil rialuithe airgeadais agus córais bhainistíochta riosca láidir agus inchosanta.

Coinneoidh CNFI é féin cothrom le dáta agus go hiomlán ar an eolas faoi shaincheistean straitéiseacha agus athruithe a bhfuil tionchar acu air agus ar an gcomhshaol ina bhfeidhmíonn sé.

Áiritheoidh CNFI go bhfaighidh comhaltaí, ar a gceapadh, litir cheapacháin fhoirmiúil ina leagfar amach go soiléir an méid a bhfuiltear ag súil leis ó thaobh tiomantas ama, seirbhís foghrúpa agus rannpháirtíocht lasmuigh de chruinnithe CNFI.

Féadfaidh CNFI, ó am go ham, foghrúpaí CNFI is gá den sórt sin a bhunú chun cabhrú lena chuid dualgas a chomhlíonadh. Féadfaidh siad comhaltaí nach comhalta CNFI iad a áireamh má tá gá le saincileanna. Nuair a chuirtear foghrúpa i bhfeidhm:

- ▶ Sonrófar na téarmaí tagartha i scríbhinn agus formheasfaidh CNFI iad agus athbhreithneofar iad go bliantúil;
- ▶ Déanfaidh CNFI, ar ainmniúchán an Chathaoirligh, a chomhaltaí a cheapadh;

- ▶ Gheobhaidh CNFI tuarascálacha ón bhfoghrúpa lena léirítear gníomhaíocht an ghrúpa;
- ▶ Cuirfear na prótacail go léir a bhaineann le hoibriú CNFI i bhfeidhm ar fhoghrúpa;
- ▶ Scaipfear nótaí cruinnithe na bhfoghrúpa ar gach comhalta CNFI.

Déanfaidh CNFI athbhreithniú ar thorthaí a phróisis meastóireachta feidhmíochta a bhaineann le comhdhéanamh CNFI agus le rialachas corparáideach go ginearálta.

Coinneoidh CNFI faoi athbhreithniú forbairtí rialachais chorparáidigh (lena n-áirítear ábhair a bhaineann le heitic) a d'fhéadfadh difear a dhéanamh don chomhlacht Stáit, d'fhonn a chinntiú go leanann a bheartais agus a chleachtais rialachais chorparáidigh de bheith ag teacht leis an dea-ghnás.

Áiritheoidh CNFI go gcloítear leis na prionsabail agus forálacha a leagtar amach sa Chód Cleachtas um Rialachas Comhlachtaí Stáit (agus aon chóid rialachais chorparáidigh eile a bhaineann leis).

## 8. Freagrachtaí Tuairiscithe

Coinneoidh CNFI an tAire Tithíochta, Rialtais Áitiúil agus Oidhreacht ar an eolas, lasmuigh de chleachtadh na Tuarascála Bliantúla, faoi nithe suntasacha a thagann chun cinn laistigh den chomhlacht Stáit.

## 9. Eile

Déanfaidh CNFI athbhreithniú, uair sa bhliain ar a laghad, ar a fheidhmíocht féin, ar a chomhdhéanamh agus ar a théarmaí tagartha féin chun a áirithiú go bhfuil sé ag feidhmiú ar an éifeachtacht uasta agus chun aon athruithe a mheasann sé is gá a chur chun feidhme.

## 10. Údarás

Tá CNFI údaraithe chun, ar a chostas féin, comhairle dhlíthiúil sheachtrach nó comhairle ghairmiúil eile a fháil i gcás ina measann na comhaltaí go bhfuil sé riachtanach a bhfreagrachtaí mar chomhaltaí CNFI a chomhlíonadh.

